

唐
十
家
詩
集

嘉靖壬午影南宗本



唐十家集目錄

權德輿集二卷

嚴維集一卷

靈一集一卷

皎然集一卷


戎昱集一卷

劉滄集一卷

于濬集一卷

王周集一卷

儲嗣宗集一卷



章碣集 一卷

御經
卷上

御經
卷上

權德輿集卷上

賦

傷馴鳥賦

紛羽族之多端兮同翺飛而類殊有鸚鵡之微
禽亦播質於洪鑪因稚子之嬉遊得大園之墜
雛恣飲啄以馴擾來目前與坐隅爾乃棲以籠
楹斂其羽翼留軒以爲娛俾遐翥之無力乍
踉蹌而將舉顧襦褫而復息雖主人之見容終
使翼天和於自得或親賓至止徽軫徐觸每聞
絃而鼓翼亦逗節而翹足貌宛轉以成態聲間

御經書

開而助曲乍寂寞以閑暇若凝情於相矚理輕
毳以自潔類山玄之佩玉每翔集以安卑同君
子之自牧思謝尚之起舞邁風流之逸獨苟魯
昭之不君固乾侯之出辱方渡濟以申儆伊涼
德之自覆徵故老之相傳驗曩記之或存在端
正之司辰剪其舌而能言巧喉轉以達情順人
心而不諼方渴日以呈材願朱明之駿奔忽愴
愴以顛顛響於簾箔竟啁啾而不去若徊翔之
有託悅心訝而未辨歛狸狂之櫻搏俄斃踣而
不勝紛血灑以毛落彼葛盧與治長通鳥獸之

音聲闕君子之周防無古人之至精既不能縱
爾於遼廓又不能遂爾之生成使異類之得志
曾未極其飛鳴則本夫養之之惠適所以害其
生生又憶夫清江之使者東海之波臣其時之
不來則刳腸而涸鱗鷄鐘鼓而反悲馬 棧而
多死雖爲遇之已甚固又夫其天理嘗聞乎賢
聖之理物也愚智殊方薰蕕異藏善用無棄兮
見其長各有攸處兮兩不相傷官天地而府
萬物繇此道而爲常吾既悟斯理之不早因失
之而後防收視聽以冥觀兮遂群性之茫茫

鵲巢背太歲賦

營巢有因惟鵲無能始自小寒之日不當太歲之神辨向背以經營必先避地顧縱橫而積足以藩身且其矯翼徘徊向隅栖息時懷擇木之志日就積薪之力若在離宮之不可巢南如當子位之中無因逐北所以率先表異選勝知歸應時節而遷易辨方隅之是非念彼明神自易地而攸處顧茲弱羽信何枝而可依時也苟遂居安寧辭力役銜腐草而構忠向高柯以容跡動觀所忌桀古人之巢理契不齊如方

士之工曆擇地已有知風豈無方一枝而自託
雖小數之能拘且相質以和鳴喜同於雀乃卜
居而聚類趨甚於鳧况復藉用茅茨殊荷庇盖
任風雨而自適豈陰陽而去泰念土宜之是顧
足見方信天願以自然焉能向晦爾乃節屬玄
律時方沍寒理地角而知禁豈天時之可干無
起土切異銜泥而萃止知於歲杪聊寓跡以求
安旣而飲啄無虛推移不滯得厭勝之良術誠
棲遲之上計潛軫鳴條之慮必附枳枸之勢摧
枯拉朽已完葺於崇朝命似引雛聊優游於卒

歲顧末俗之無違信微禽之可繼

五言古詩

廣陵行

廣陵寔佳麗隋季此爲京
八方稱輻輳五達如砥平
大旆映空色笳簫發連營
層臺出重霄金碧摩灝清
交馳流水轂迴接浮雲囊
青樓旭日映綠野春風晴
噴玉光照地嘖蛾價傾城
燈前頻巧笑陌上相逢迎
飄飄翠羽薄掩映紅襦明
蘭麝遠不散管絃閒自清
曲士守文墨達人隨性情
茫茫竟同盡冉冉將何營
且申今日歡莫

務身後名肯學諸儒輩書窓誤一生

古別離

人生天地間瞥若六轡馳天壽既常數奈何生
別離跡當中人域正性日已衰是非千萬境杳
靄情塵滋出門事何常暫別亦難期冉冉歎流
景悠悠限山陂盡此一夕歡華樽會前墀雞鳴
東方曙夙駕臨通達欲出懶移步欲留難致詞
兩情不得已念此留何爲天明去已遠寂默居
人歸入門復上堂惴惴生驚疑經履同遊處猶
言常相隨覽物或臨鏡翻恠來何遲乃知前日

歡本爲今日悲翻思別後心靈及未見時則知
交踈分久久翻易持報君未別人別後當自知

浩歌

杖策出蓬華浩歌愁思長北風吹荷衣蕭颯景
氣涼通達抵山郭里巷連湖光孤雲淨遠峰綠
水溢方塘魚鳥樂天性雜英互芬芳我心獨何
爲萬慮縈中腸履道身未泰主家謀不臧心爲
世教牽跡寄翰墨場出處兩未定羈孤空自傷
沉憂不可裁伫立河之梁晚歸茅簷下左右陳
壺觴獨酌無長謠放心遊八荒得喪同一域是

非亦何常胡爲苦此生吃吃徒自強乃泛杯中
物可令憂患亡因茲謝時輩棲息無何鄉

奉和聖製中和節賜百官宴集因示所

懷

萬古慶嘉節宴喜皇澤均曉開萸萸初景麗百
鳥春藻思貞百度著明並三辰物情舒在陽時
令弘至仁衢酒和樂被薰絃聲曲新賡歌武弁
側永荷玄化醇

奉和聖製九月十八日賜百寮追賞因

書所懷

錫宴朝野洽追歡堯舜情秋堂絲管動水榭煙
霞生黃花媚新霽碧樹含餘清同和六律應交
泰萬寓平睿藻下中天湛恩闡文明小臣諒何
幸亦此影華纓

奉和聖製九日言懷賜中書門下及百

寮應制

令節在豐歲皇情喜又安絲竹調六律簪裾列
千官煙霜暮景清水木秋光寒筵開曲池上望
盡終南端天麗慶霄漢墨妙驚飛鸞願言黃花
酒永奉今日歡

奉和聖製重陽日中外同歡以詩言志

因示群臣

玉醴宴嘉節拜恩歡有餘煌煌菊花秀馥馥
房舒白露秋稼熟清風天籟虛和聲度簫韶瑞
氣深儲胥百辟皆醉止萬方今晏如宸衷在化
成藻思煥瓊琚微臣徒竊抃豈足歌唐虞

奉和聖製重陽日即事六韻

嘉節在陽數至歡朝野同恩隨千鍾洽慶屬五
稼豐時菊洗露華秋池涵霽空金絲響僊樂劍
鳥羅群公天道光下濟賡歌敷大中多慙擊壤

曲何以達堯聰

奉和聖製豐年多慶九日示懷

寒露應秋節清光澄曙空澤均行葦厚年慶黍
禾豐聲名暢八表宴喜陶九功文麗日月合樂
和天地同聖言在推誠臣職事匪躬瑣細何以
報翺飛淳化中

瓊授京兆府叅軍戲書以示燕呈獨孤
即

見爾府中趨初官足慰吾老牛還舐犢凡鳥亦
將雛喜至翻成感癡來或欲殊因慙玉潤客應

笑此非夫

戶部王曹長楊考功崔刑部二院長並
同鍾陵使府之舊因以寄贈又陪郎署
喜甚常寮因書所懷且叙前好

忽驚西江侶共作南宮郎宿昔芝蘭室今茲鴛
鷺行子猷美風味左戶推公器含毫白雪飛出
匣青萍利子雲常燕居作賦以相如閒成考課
奏別貢院能書子玉諒貞實持刑慎丹筆秋天
鴻鵠姿晚歲松筠質伊予誠薄才何幸復趨陪
偶來塵右掖空此憶中臺時節東流馭悲歡追

往事待月登庾樓排雲上蕭寺盍簪蓮府讌落
帽龍沙醉極浦送風帆靈山眺煙翠解頤通善
譎喻指窮精義搨管或飛章分曹時按吏雨散
與蓬飄秦吳兩寂寥方期全擁腫豈望躡扶搖
裡直分三署晨趨共九霄外庭時接武廣陌更
連鑣北極星辰拱南薰氣序調欣隨眾君子並
立聖明朝

酬別蔡十二見贈

伊人茂天爵恬澹卧郊園傲世方隱几說經久
顓門浩歌曳柴車詎羨丹轂尊嚴霜被鶉衣不

知狐白溫游心義文際愛我相討論潢汗忽朝
宗傳騎令載奔崢嶸歲陰晚愀愴離念繁別館
絲桐清寒郊煙雨昏中飲見逸氣縱談窮化元
伫看公車起聖代待乞言

送崔諭德致仕東歸

天子坐法宮詔書下江東懿此嘉遯士蒲車起
丘中褐衣入承明朴略多古風直道待太子昌
言沃宸聰巖居四十年心與鷗鳥同一朝受恩
澤自說如池龍乞骸歸故山累疏明深衷大君
不奪志命錫忽以崇旭旦出東門輕裝若秋蓬

家依白雲嶠手植丹桂叢竹齊引寒泉霞月相
玲瓏曠然解赤黻去逐冥冥鴻

送信安劉少府

相看結離念盡此杯中醪夷代輕遠遊上才隨
薄祿叅卿滯孫楚隱市同梅福吏散時泛絃寶
來閒覆局襟情無俗慮談笑成逸躅此路足灘
聲羨君多水宿

奉使宜春夜渡新淦江陸路至黃蘗館
路上遇風雨作

草草理夜裝涉江又登陸望路殊未窮指期今

已促傳呼戒徒馭振轡轉林麓陰雲擁巖端霈
雨當山腹震雷如在耳飛電來照日獸跡不敢
窺馬蹄唯務速虔心若齋禱濡體如沐浴萬竅
相怒號百泉暗奔瀑危梁慮足跌峻板憂車覆
問我何以然前日受微祿轉知人代事纓組乃
徽束向若家居時安枕春夢熟遵途稍已近候
吏來相續曉霽心始安林端見初旭

從事淮南府過亡友楊校書舊廳感念

悄然遂書十韻

故人隨化往倏忽今六霜及我就拘限清風留

此堂松竹逾映鬱芝蘭自銷亡絕絃罷流水聞
笛同山陽如冰玉姿粲若鸞鳳章欲翥摧勁
翮先秋落貞芳正平賦鸚鵡文考頌靈光二子
苦不弔夫君今可傷黃墟既杳杳玄化亦茫茫
豈必恨宿草含淚灑衣裳

與道者同守庚申

洞真善救世守夜看仙經俾我外持內當茲申
配庚齋心已恬愉澡身自澄明沉沉簾帷下靄
靄燈燭清四支動用息一室虛白生收視忘取
捨叩齒集神靈伊予嗜慾寡居常痾恙輕三尸

既伏竄九臆乃和平無令耳目勝則使性命傾
窅然深夜中若與元氣并釋宗稱定惠儒師著
誠明派分示三教理請無二名吉祥能止止委
順則生生視履苟無咎天祐期永貞應物智不
勞虛中理自冥豈資金丹術即此駐頽齡

送人使之江陵

嘉招不辭遠捧檄利攸徃行役念前程讌遊睽
舊賞征軺星乍動江信潮應上煙水飛一帆霜
風搖五兩紛紛別袂舉切切離鴻響後會杳何
時悠然勞夢想

送韋中丞奉使新羅

淳化洽聲明殊方均惠養計書重譯至錫命雙
旌徃星辭北極遠水泛東溟廣斗柄辨宵程天
琛宜晝賞孤光洲島迴淨綠煙霞敞展禮盛賓
徒交歡覲君長經途勞視聽捨別紫夢想延頸
旬歲期新恩在歸鞅

與沈十九拾遺同遊栖霞寺上方夜於
亮上人院會宿

躡山標勝絕暇日諧想矚縈紆松路深繚繞雲
巖曲重樓迴樹杪古像作山腹人遠水木清地

深蘭桂馥層臺聳金碧絕頂摩淨綠下界誠可
悲南朝紛在目焚香入古殿待月出深竹稍覺
天籟清自傷人世促宗雷此相遇偃放隨所欲
清論月輪低閒吟茗花熟一生如土梗萬慮相
桎梏永願事潛師窮年此棲宿

雜詩

淇水春正綠上官蘭葉齊光風雨搖蕩鳴佩出
中閨一顧授黃流千金呈瓠犀徒然路傍子恍
恍復悽悽

月夜江行

扣舷不能寐，浩露清衣襟。
彌傷孤舟夜，遠結萬里心。
幽興惜瑤草，素懷寄鳴琴。
三奏月初上，寂寥寒江深。

豐城劍池驛

龍劍昔未發，泥池相晦藏。
向非張茂先，孰辯斗牛光。
神物不自達，聖賢亦彷徨。
我行豐城野，慷慨心內傷。

渭水

呂氏年八十，皤然持釣鉤。
鉤意在靖天下，豈惟食營丘。
師臣有家法，小白乃尊周。
日暮駐征策，愛

茲清渭流

晚渡楊子江卻寄江南親故

返照滿寒流輕舟任搖蕩支頤見千里煙景非
一狀遠岫有無中片帆風水上天清去鳥滅浦
迥寒沙漲樹晚疊秋嵐江空翻宿浪胷中千萬
慮對此一清曠回首碧雲深佳人不可望

感寓

殘雨倦欹枕病中時序分寒蟲與秋葉一夜隔
窓聞虛室對搖落晤言無與群冥心試觀化世
故如絲棼但看鳶戾天豈見山出雲下歌徒擊

節朱絃秘南薰椅梧秀朝陽上有威鳳文終待
九成奏來儀瑞吾君

古意

家人強進酒酒復能忘情持杯未飲時眾感紛
已盈明月照我傍庭柯振秋聲空階白露下枕
席涼風生所思萬里餘水闊山縱橫佳期憑夢
想未晚愁鷄鳴願得一心人當年懼樂并長筵
映玉俎素指彈秦箏暎睇呈巧笑惠音激淒清
此願良未果永懷空如醒

祇命赴京途次淮口因書所懷却寄使

府群公

弱植素寡偶，趨時非所任。
感恩再登龍，求友皆斷金。
彪炳覩奇彩，淒鏘聞雅音。
適欣佳期接，遽嘆離思侵。
靡靡遵遠道，忡忡勞寸心。
難成獨酌謠，空奏伐木吟。
次寥清冬時，蕭瑟白晝陰。
交權諒如昨，滯念紛在今。
因風試矯翼，倦飛會歸林。
向晚清淮駛，迴首楚雲深。

早發杭州泛富春江寄陸三十六公祐
候曉起徒馭，春江多好風。
白波連青雲，蕩漾晨光中。
四望浩無際，沉憂將此同。
未離奔走途，但

恐成悲翁俯視觸餌鱗仰目凌霄鴻纓塵日已
厚心累何時空泛泛此人世所向皆樊籠唯應
杯中物醒醉皆窮通故人玄圃姿瓊樹分青葱
終當此山去共結蘭桂叢

雜詩二首

婉彼羸氏女吹簫偶蕭史彩鸞駕霏煙綽約兩
仙子神期諒交感相顧乃如此豈此成都人琴
心中夜起

陽臺巫山上風雨忽清曠朝雲與遊龍變化千
萬狀魂交復目斷縹緲難此况蘭澤不可清凝

情坐惆悵

奉送韋起居老舅百日假滿歸嵩陽舊

居

威鳳翔紫氛孤雲出寥天奇彩與幽姿縹緲皆
自然常聞陶唐氏亦有巢許全以茲聳風俗豈
必効羈牽大君遂群方左史蹈前賢振衣去朝
市賜告歸林泉滑和固難久循性得所便有名
皆畏途無事乃真筌舊壑窮杳窅新潭漾淪漣
巖花落又開山月缺復圓輕策逗羅徑幅巾凌
翠煙機閒魚鳥狎體和芝朮鮮四皓本避難二

疏猶待年况今寰宇清復此鬢髮玄顧慙纓上
塵未絕區中緣齊竿終自退心寄嵩峯巔

寄侍御從舅

靡靡南軒蕙迎風轉芬滋落落幽澗松百尺無
附枝世物自多故達人心不羈偶陳幕中畫永
負林間期感恩從慰薦循性難繫維野鶴無俗
質孤雲多異姿清冷松露泣照灼巖花遲終當
稅塵駕來就東山嬉

竹逕偶作

退朝此休沐閉戶無塵氛支策入幽徑清風隨

此君瑟觴恣偃傲
蘭蕙相氛氲
幽賞方自適
林西煙景曛

嚴陵釣臺下作

絕頂聳蒼翠
清湍石磷磷
先生晦其中
天子不得臣
心靈棲顛元
纓冕猶緇塵
不樂禁中卧
却歸江上春
潛驅東漢風
日使薄者醇
焉用佐天子
特此報故人
則知大賢心
不獨私其身
施張有深致
耕釣陶天真
柰何清風後
擾擾論屈伸
交情同市道
利欲相紛綸
我行訪遺臺
仰古懷逸民
矰繳鴻鵠遠
雪霜松桂新
江流去不窮
山

色凌秋早人世自今古清輝照無垠

權德輿集卷上

權德輿集卷下

七言古詩

妾薄命篇

昔住邯鄲年尚少只是嬌羞弄花鳥青樓碧沙
大道邊綠楊日暮風裊裊嬋娟玉貌二八餘自
矜顏色花不如麗質全勝秦氏女藁砧寧用專
城居歲去年來年漸長青蛾紅粉全堪賞玉樓
珠箔但閑居南北東城詎來往韶光日日看漸
遲標梅旣落行有時寧知燕趙娉婷子翻嫁幽
并遊俠兒年年結束青絲騎出門一去何時至

秋月空懸翡翠簾春帷懶卧鴛鴦被沙塞經時
不寄書深閨愁獨意何如花前拭淚情無限月
不調絃恨有餘離別苦多相見少洞房愁夢何
由曉閑看雙鸞淚霏霏靜對空林魂悄悄鏡裏
紅顏不自禁陌頭香騎動春心爲問佳期早晚
是人人總解有黃金

送韋行軍員外赴河陽

五年武弁侍明光輟佐中權拜外郎記事還同
楚倚相傳經遠自漢扶陽離堂處處羅簪組東
望河橋壯鼓單鼓三城曉角啟轅門一縣繁花照

蓮府上略儒風並者稀
翩翩騶騎有光輝
只今左職多虛位
應待他時仗節歸

錫杖歌送明楚上人歸佛川

上人遠自西天至
頭陀行遍南朝寺
口翻貝葉古字經
手持金策聲泠泠
護法護身唯振錫
石瀨雲溪深寂寂
乍來林徑風露寒
遙映霜天月魄魄
後夜空山禪誦時
寥寥掛在枯樹枝
真法常傳心不住
東西南北隨緣路
佛川此去何時迴
應真莫便游天台

古樂府

光風淡蕩百花吐樓上朝朝學歌舞身年二八
媚侍中幼妹承恩兄尚主綠窓珠箔繡鴛鴦侍
婢先焚百和香鶯啼日出不知曙寂寂羅幃春
夢長

放歌行

夕陽不駐東流急榮名貴在當年立青春虛度
無所成白首銜悲亦何及拂衣西笑出東山君
臣道合俄頃閒一言一笑玉墀上變化生涯如
等閒朱門杳杳列華戟坐中皆是王侯客鳴環
動佩暗珊珊駿馬花駘白玉鞍十千斗酒不知

貴半醉留賓邀盡歡銀燭煌煌夜將久侍婢金
罍瀉春酒春酒盛來琥珀光暗聞蘭麝幾般香
乍看皓腕映羅袖微聽清歌發杏梁雙鬟美人
君不見一一皆勝趙飛鸞迎杯乍舉石榴裙勻
粉時交合歡扇未央鐘漏醉中聞聯騎朝天曙
色分雙闕煙雲遙靄靄五衢車馬亂紛紛罷朝
鳴佩驟歸鞍今日還同昨日歡歲歲年年恣游
讌出門滿路光輝遍一身自樂何足言九族爲
榮真可羨男兒稱意須及時閉門下帷人不知
年光看逐轉蓬盡徒詠東山招隱詩

和 李中丞慈恩寺清上人院牡丹花歌
淡蕩韶光三月中牡丹偏自占春風時過寶地
尋香徑已見新花出故叢曲水亭西杏園北濃
芳深院紅霞色擢秀全勝珠樹林結根幸在青
蓮域艷蘂仙房次第開含煙洗露照蒼苔龐眉
倚杖禪僧起輕翅縈枝舞蝶來獨坐南臺時共
美閑行古刹情何已花閒一曲奏陽春應爲芬
芬此君子

秋閨月

三五二八光如練海上天涯人共見不知何處

玉樓前乍入深閨玳瑁筵露濃香徑知愁坐風
動羅帷照獨眠初卷珠簾看不足斜袍篋篋未
成曲稍映粧臺臨綺窓遙知不語淚雙雙此時
愁望知何極萬里秋天同一色靄靄遙分陌上
光迢迢對此閨中憶早晚歸來歡燕同可憐歌
吹月明中此夜不堪腸斷絕願隨流影到遼東

古興

月中有桂樹無翼難上天海底有驪珠下隔萬
丈淵人生在限雖百歲就中三十稱一世晦明
烏兔相推遷雪霜漸到雙鬢邊沉憂感戚多浩

欵不得如意居太半一氣暫聚常恐散黃河清
兮白石爛

五言律詩

初秋月夜直宿因呈楊閣老

歌枕直廬暇風蟬迎早秋沉沉王堂夕皎皎金
波流對掌喜新命分曹諧舊遊相思翫華彩因
感庾公樓

送謝孝廉移家越州

家承晉太傅身慕魯諸生又見一帆去共愁千
里程沙平煙樹迥潮滿晚江晴從此幽深去無

妨隱姓名

送鄭秀才貢舉

西笑意如何知隨貢士科吟詩向月露驅馬出
煙蘿晚色寒蕪遠秋聲候鴈多自憐歸未得相
送一勞歌

周平西墓

英威今寂寞陳迹對崇丘壯志清風在荒墳白
日愁窮泉那復曉喬木不知秋晚歲寒塘側無
人水自流

蘇小小墓

萬木荒墳在悠然我獨尋寂寥紅粉盡冥漠黃
泉深蔓草映寒水空郊暖夕陰風流有佳句吟
眺一傷心

太尉兼中書令贈太師西平郡王挽詞
翊戴推元老謀猷合大君河山封故地金石表
新墳劒履歸長夜笳簫咽暮雲還經誓師處薤
露不堪聞

故司徒兼侍中贈太傅北平郡王挽詞
授律勲庸盛居中鼎鼐和佐時調四氣盡力靜
三河忽訪天京兆空傳漢伏波今朝麟閣上偏

軫聖情多

贈涼國惠康公主挽歌

外館嬪儀貴中參睿渥深
初笄橫白玉盛服鏤
黃金鳳度簫聲遠河低
婺彩沉夜臺留冊謚悽
愴有徽音

魏國憲穆公主挽詞

漢制榮儀服周詩美肅雍
禮尊同姓主恩錫大名
封外館留圖史陰臺闕
德容睿慈歌薤露千古
仰芳蹤

長相思

少小別潘郎，嬌羞倚畫堂。
有時裁尺素，無事約殘黃。
鵲語臨粧鏡，花飛落繡牀。
相思不解說明，月照空房。

酬劉端公中秋夜對月見懷

涼夜清秋半，空庭皓月圓。
動搖隨積水，皎潔滿晴天。
多病佳期阻，深情麗曲傳。
偏懷賞心處，同望庾樓前。

國子柳博士兼領太常博士輒申賀贈
博士本秦官，求才帖職難。
臨風曲臺淨，對月壁池寒。
講學分陰重，齋祠曉漏殘。
朝衣辨色處，雙

綬更宜看

送裴秀才貢舉

儒衣羞此別去抵漢公卿賓貢年猶少篇章藝
已成臨流惜暮景話別起鄉情離酌不辭醉西
江春草生

送張周二秀才謁宣州薛侍郎

儒衣兩少年春棹穀溪船湖月供詩興煙嵐費
酒錢上帆投極浦欹枕傲晴天不用愁羈旅宣
城太守賢

送李城門罷官歸嵩陽

與君相識處吏隱在墻東啟閉千門靜逢迎兩
掖通罷官多暇日肄業有儒風歸去塵寰外春
山蘭桂藂

送上虞丞

越郡佳山水清江接上虞計程航一葦試吏佐
雙鳧雲壑窺仙籍風謠驗地圖因尋黃絹字爲
我弔曹盱

送人之九江

九派潯陽郡分明似畫圖秋光連瀑布晴翠辨
香鑪才子厭蘭省邦君榮竹符江城多假日能

寄八行無

與故人夜坐道舊

笑語歡今夕煙霞愴昔遊清羸還對月遲暮更
逢秋勝理方自得浮名不在求終當製初服相
與卧林丘

奉陪李大夫九日龍沙冥會

龍沙重九會千騎駐旌旗水木秋光淨絲桐雅
奏遲煙蕪歛暝色霜菊發寒姿今日從公醉全
勝落帽時

新安江路

深潭與淺灘萬轉出新安人遠禽魚靜山深水
木寒嘯起青蘋末吟矚白雲端即事遂幽賞何
必掛儒冠

湖上晚望呈惠上人

湖上煙景好鳥飛雲自還幸因居止近日覺性
情閑獨酌乍臨水清奇常見山此時何所憶法
侶話玄關

送映師歸本寺

還歸柳寺去遠遠出人群苔盤桐花落山窓桂
樹薰引泉通絕澗放鶴入孤雲幸許宗雷到清

談不易聞

送文暢上人東遊

桑門許辨才外學接宗雷
護法麻衣淨翻經貝
葉開塵喧知不染忘想自堪哀
載結西方社師遊早晚迴

送穆侍御歸覲東都

知君儒服貴綵繡兩相輝
婉婉成名後翩翩擁
傳歸江深煙嶼沒山暗雨雲飛
共待酬恩罷相將去息機

送盧評事婺州覲省

知向東陽去晨裝見綵衣客愁青眼別家喜玉
人歸漠漠水煙晚蕭蕭楓葉飛雙溪泊船處侯
吏拜朝威

送崔端公郎君入京觀省

已見風姿美仍聞藝業勤清秋上國路白晷少
年人帶月輕帆疾迎霜綵服新過庭若有問一
爲說漳濱

張工部發引日屬傷足卧疾不遂執紼
子春傷足日況有寢門哀元伯歸金去無由白
馬來笳簫里巷咽龜筮墓田開片石潺湲淚含

悽叙史才

玉山嶺上作

悠悠驅疋馬征路上連岡晚翠深雲竇寒苔淨
石梁荻花偏似雪楓葉不禁霜愁見前程遠空
郊下夕陽

觀葬者

塗芻隨晝哭數里至松門貴盡人間禮寧知逝
者魂笳簫出廣陌煙雨閑寒原萬古皆如此傷
心反不言

送王鍊師赴王屋洞

稔歲在芝田歸程入洞天白雲辭上國青鳥會
群仙自以棊消日寧資藥駐年相看話離別風
馭忽泠然

題郡端公林亭

春光何處好柱史有林塘鶯囀風初暖花開日
欲長鑿池通野水掃徑閱新芳更置盈樽酒時
時醉楚狂

春日同諸公過兵部王尚書林園

休沐君相近時容曳履過花開留客久臺上見
春多松色明金艾鶯聲雜玉珂更逢新酒熟相

與籍庭莎

五言排律

晚秋陪崔閣老張祕監苗考功同游昇
天觀

方駕遊何許仙源去似歸縈迴留勝賞瀟灑出
塵機泛菊賢人至燒丹姹女飛步虛清曉籟隱
几汲晨輝竹徑琅玕合芝田沆瀣稀銀鈎三洞
字瑤笥六銖衣麗句翻紅藥佳期限紫微徒然
一相望郢曲和應稀

與沈十九拾遺同遊栖霞寺上方夜於

亮上人院會宿

偶來人境外心賞幸隨君古殿煙霞夕深山松
桂薰巖花點寒溜石蹬掃春雲清淨諸天近喧
塵下界分名僧康寶月上客沈休文共宿東林
夜清猿徹曙聞

酬裴傑秀才新櫻

新果真瓊液來應宴紫蘭圓疑竊龍頷色已奪
鷄冠遠火微微辨殘星隱隱看茂先知味易曼
倩恨偷難忍用烹駢駱從將翫玉盤流伊如可
駐何必九華丹

韋賓客宅與諸博士宴集

累抗乞身章湛恩比上庠
賓筵徵稷嗣家法自
扶揚簪組歡言久琴壺雅興長
陰嵐冒苔石輕
籟韻風篁佩玉三朝貴揮金百慮忘
因知卧商
雒豈勝白雲鄉

送工部張曹長大夫奉使西藩

殊鄰覆露同奉使小司空
西候車徒出南臺節
印雄弔祠將渥命導譚暢
皇風故地山河在新
恩玉帛通塞雲凝簾壘開
月照驚蓬青史書歸
日翻輕五利功

哭劉四尚書

士友惜賢人天朝喪守臣才華推獨步聲氣幸
相親理折寰中妙儒爲席上珍笑言成月旦風
韻揖天真丹地膺推擇青油寄撫循豈言朝象
魏翻是卧漳濱命賜龍泉重追榮密印陳撤絃
驚物故無具見家貧牢落風悲笛汎瀾涕泣巾
共嗟蒿里月非復柳營春黃絹碑文在青松隧
路新音容無處所歸作北邙塵

七言律詩

送商州杜中丞赴任

安康地理接商於帝命專城總賦輿夕拜忽辭
青瑣闥晨裝獨捧紫泥書深山古驛分騶騎芳
草閒雲逐隼旗綺皓清風千古在因君一爲謝
巖居

酬靈澈上人以詩代書見寄

蓮華出水地無塵中有南宗子義人已取貝多
翻半字還將陽燄論三身碧雲飛處詞偏麗白
月圓時性本真更喜開緘銷熱惱西方社裏舊
相親

和司門殷員外早秋省中直夜寄荆南

衛端公

共嗟王粲滯荊州才子爲郎憶舊遊涼夜偏宜
粉署直清言遠待玉人酬風生北渚煙波闊露
下南宮星漢秋早晚得爲同舍旅知君兩地結
離憂

送張閣老中丞持節冊弔回鶻

旌旆翩翩擁漢官君行當得遠人歡分職南臺
知禮重綴書東觀見才難金章玉節鳴騶遠白
草黃雲出塞寒欲散別離唯有酒斲煩賓從駐
征鞍

田家即事

閒卧藜牀對落暉
倏然便覺世情非
漠漠稻花資旅食
青青荷葉製儒衣
山僧相勸期中飯
漁父同游或夜歸
待學向平婚嫁畢
渚煙溪月共忘機

待漏假寐夢歸江東舊居因寄惠闈梨
茅處士

十年江浦卧郊園
閒夜分明結夢魂
舍下煙蘿通古寺
湖中雲雨到前軒
南宗長老知心法
東郭先生識化源
覺後忽聞清漏曉
人隨簪珮入

君門

奉和太常韋卿閣老左藏庫中假山之

什

春山僊掌百花開九棘腰金有上才忽向庭中
摹峻極如從洞裏見昭回小松已負千霄壯片
石皆疑縮地來都內今朝似方外仍傳麗句寄
雲臺

送李處士弋陽山居

甞來城市意何如卻憶菖陽溪上居不憚薄田
輸井稅自將佳句著州閭波翻極浦檣竿出霜

落秋郊樹影疎想到家山無俗侶逢迎只是坐
藍輿

哭張十八校書

芸閣爲郎一命初桐州寄傲十年餘魂隨遊水
居何處名在新詩眾不如蹉跎江浦生華髮牢
落寒原會素車更憶八行前日到含悽爲報秣
陵書

朔旦冬至攝職南郊

大明南至應天正朔旦圜丘樂九成文軌盡同
堯曆象齋祠忝備漢公卿星辰列位祥光滿金

石交音曉奏清更有觀臺稱賀處黃雲捧日瑞
昇平

五言絕句

玉臺體三首

秋風一夜至吹盡後庭花莫作經時別西隣是
宋家

昨夜裙帶解今朝蟠子飛鉛華不可棄莫是藁
砧歸

萬里行人至深閨夜未眠雙眉燈下掃不待鏡
臺前

嶺上逢久別者又別

十年曾一別
征旆此相逢
馬首向何處
夕陽千萬峰

江行晚詠

古樹夕陽盡
空山暮靄收
寂寞扣舷坐
獨生千

載秋

江行夜詠

猿聲到枕上
愁夢紛難理
寂寂深夜寒
清霜落秋水

江行曉詠

曉風搖五兩殘月映石壁稍稍曙光開片帆在
空碧

七言絕句

題雲師山房

雲公蘭若深山裏月明松殿微風起試問空門
清淨心蓮花不省秋潭水

餘干贈別張二十二侍御

蕪城陌上春風別干越亭邊歲暮逢驅車又愴
南北路返照寒江千萬峰

贈老將

白草黃雲塞上秋曾隨驃騎出并州
轆轤劒折虬鬚白轉戰功多獨不侯

宮人斜

一路斜分古驛前陰風切切晦秋煙
鉛華新舊共冥冥日暮愁鷗飛野田

舟行夜泊

蕭蕭落葉送殘秋寂寞寒波急暝流
今夜不知何處泊斷猿晴月引孤舟

贈天竺靈隱二寺主

石路泉流兩寺分尋常鍾磬隔山聞
山僧半在

中峰住共占清猿與白雲


題柳郎中故居


下馬荒堦日欲曛
潺湲石溜靜中聞
鳥啼花落人聲絕
寂寞山窓掩白雲

朝元閣

繚垣複道上層霄
十月離宮萬國朝
胡馬忽來清蹕去
空餘臺殿照山椒

權德輿集卷下終





嚴維詩集

酬耿拾遺題贈



掩扉常自靜驛吏忽傳呼水巷驚馴鳥藜床起
病軀顧身悲欲老戒子力爲鑄明日公西歸一作
去煙霞復作徒

酬王侍御西陵渡見寄

前年萬里別昨日一封書郢曲西陵渡秦官使
者車柳塘薰晝日花水溢春渠若不嫌雞黍先
令掃弊廬

酬劉貞外見寄

蘇耽佐郡時近出白雲司藥補清羸疾惚吟絕
妙詞柳塘春水慢花塢夕陽遲欲識懷君意明
朝訪檝師

同韓貞外宿雲門寺

小嶺路雖近仙郎此夕過潭空觀月定澗靜見
雲多竹翠煙深色松聲雨點和萬緣俱不有對
境自垂蘿

酬諸公宿鏡水宅

幸免低頭向府中貴將藜藿與君同陽鴈叫霜
來枕上寒山映月在湖中詩書何德名夫子草

木推年長數公聞道漢家偏長少此身那此訪
芝翁

送薛尚書入蜀

卑情不敢論拜首立轅門列郡諸侯長登朝八
座尊凝笳臨水發行旆向風翻幾許遺黎泣同
懷父母恩

送李祕書往儋州

魑魅曾爲伍蓬萊近拜郎臣心瞻北闕家事在
南荒莎草山城小毛洲海驛長玄成知必大寧
是泛滄浪

送人入金華

明月雙溪水清風八詠樓昔年爲客處今日送君遊

送崔峒使往睦州兼寄薛司戶

如今相府用英髦獨往南州肯告勞冰水近開
漁浦出雪雲初卷定山高木奴花映桐廬縣青
雀舟隨白露濤使者應須訪廉吏府中惟有范
功曹

送房元直赴北京

猶道樓蘭十萬師書生疋馬去何之臨岐未斷

還家目望月空吟出塞詩常欲激昂論上策不
應憔悴老明時遙知到日逢寒食彩筆長裾會
晉祠

荆溪館呈丘義興

失路荆溪上依仁忽暝投長橋今夜月陽羨古
時州野燒明山郭寒更出縣樓先生能館我無
事五湖遊

一公新泉

山下新泉出泠泠北去源落池纔有響噴石未
成痕獨映孤松色殊分衆鳥喧唯當清夜月觀

此起禪門

水精環

王室符長慶環中得水精任圓循不極見素質
乃貞信是天然瑞非因樸斲成無瑕勝玉美至
潔過冰清未肯齊珉價寧同雜佩聲能啣任黃
雀亦欲應時明

自雲陽歸晚泊陸澧宅

天陰行易晚前路故人居孤棹所思久冒寒相
見初開燈忘夜永清漏任更踈明發還須去離
家幾歲除

九日陪崔郎中北山讌

上客南臺至重陽此會文菊芳寒露洗杯翠一作

楊夕陽曛務簡人同醉溪閑鳥自群府中官最

小唯有孟參軍

留別鄒紹劉長卿

中年從一尉自笑此身非道在甘微祿時難一作

輕耻息機晨趨本郡府晝掩故山扉待得干戈

畢何妨更採薇

書情獻相公

年來白髮欲星星誤却生涯是一經魏闕望來

何日見商歌奏罷復誰聽孤根獨棄慙山木弱
質一作植無成狀水萍今日更須詢哲匠不應休
去老巖扃

贈送朱放

昔年居漢水日醉習家池道勝迹常在名高身
不知欲依天目住新自始寧移生事曾無長惟
將白接籬

剡中贈張卿侍御

辟疆年正少公子貴初還早列月卿位新參柱
史班千夫馳驛道駟馬入家山深巷烏衣盛高

門盡戟閑逶迤天樂下照耀剡溪間自賤遊章
句空爲衰草顏

贈萬經

萬公長慢世昨日又墮官縱酒真彭澤論詩得
建安家山伯禹穴別墅小長干輒有時人至
前白眼看

書情上李蘇州

東土苗人尚有殘皇皇亞相出朝端手持國憲
群僚畏口喻天慈百姓安禮數自憐今日絕風
流空計往年歡誤着青袍將十載忍令漁浦却

垂竿

作令來

餘姚祗役奉簡鮑參軍

童年獻賦在皇州方寸思量君與侯萬事無成
新白首兩春虛擲對滄流歌詩盛賦文星動簫
管新停晦日遊知己欲依何水部鄉人今正賤
東丘

奉和獨孤中丞遊雲門寺

絕壑開花界耶溪極上源光輝三獨坐登陟五
雲門深木鳴騶馭晴山曜武賁亂泉觀坐卧踈
磬發朝昏蒼翠新秋色莓苔積雨痕上方看度

鳥後夜聽吟猿異跡焚香對新詩酌茗論歸來
還撫俗諸老莫攀轅

奉和皇甫大夫夏日遊花嚴寺

時大夫昆季同行

初第華嚴會王家少長行到宮龍節駐禮塔鴈
行成蓮界千峯靜梅天一雨清禪庭未可戀聖
主寄蒼生

宿法華寺

一夕雨沉沉哀猿萬木吟陰天龍護法長老密
看心魚梵空山靜紗燈古殿深無生久已學白
髮浪相侵

題茅山李尊師所居

天師百歲少如童不到山中更不逢
洗藥每臨新瀑水步虛時遶最高峯
籬根五月留殘雪座右千年蔭古松
此去人寰知近遠迴看路隔一重重

送薛居士和州讀書

孤雲獨鶴共悠悠萬卷經書一葉舟
楚地巢城民舍少煙村社樹鷺湖秋
蒿萊織妾晨炊黍隅落耕童夕放牛
年少不應辭苦節諸生若遇亦

封侯

送桃巖成上人歸本寺

長老歸緣起桃花憶舊巖
清晨雲抱石深夜月籠杉
道具門人捧齋糧谷鳥銜
餘生願依止文字欲三緘

酬普選二上人期相會見寄

本意宿東林因聽子賤琴
遙知大小卽已斷去來心
夜靜溪聲近庭寒月色深
寧知塵外意定後更成吟

相里使君宅聽惠澄上人吹小管

秦僧吹竹閉秋城
早在黎園稱主情
今夕襄陽

山太守座中流淚聽商聲

贈別至弘上人

最稱弘偃少早歲草茆居年老從僧律生知解
佛書衲衣求壞帛野飯拾春蔬章句無求斷時
中學有餘

奉和劉祭酒傷白馬

此馬新賜
王轉贈祭酒

沛艾如龍馬來從上苑中棣華恩見賜伯舅禮
仍崇鏡點萬金眼花開白雪駿性柔君子德足
逸大王風色照鳴珂淨聲連噴玉雄食場恩未
盡過隙命旋終練影依雲沒銀鞍向月空仍聞

樂府唱猶應

一作應

念代勞功

哭靈一上人

一公何不住空有遠公名共說岑山路今時不
可行舊房松更老新塔草初生經論傳緇侶文
章遍墨卿禪林枝幹折法宇棟梁傾誰復修僧
史應知傳已成

題鮑行軍小閣

宇下無留事經營意獨新文房已得地相閣是
推輪席上招賢急山陰對雪頻虛明先旦暮啓
閉異冬春談笑兵家法逢迎幕府賓還將負暄

處時借在陰人

陪皇甫大夫謁禹廟

竹使羞殷薦松龕拜夏祠爲魚歌德後舞羽降
神時文衛瞻如在精靈信有期夕陽陪醉止塘
上鳥咸遲

同王徵君湘中有懷

八月洞庭秋瀟湘水北流還家萬里夢爲客五
更愁不用看書帙偏宜上酒樓故人京洛滿何
日復同遊

奉和皇甫大夫祈雨應時雨降

政和知必感歲旱未書災伯禹明靈降元戎禱
請來九成陳夏樂三獻奉躬壘製曳旗交電鏗
鏘鼓應雷行雲依蓋轉飛雨逐車回欲識皇天
意爲霖貺在哉

贈別劉長卿時赴河南嚴中丞幕府

早見登郎署同時跡下僚幾年江路永今去國
門遙文變騷人體官移漢帝朝望山吟度日接
枕話通宵萬里趨公府孤帆恨信潮匡時知己
老聖代恥逃堯

晦日宴遊

晦日湔裾俗春樓致酒時出山還已醉謝客舊
能詩溪柳薰晴淺巖花待閨遲爲邦久無事比
屋自熙熙

夏日納涼

山陰過野客鏡裏接仙郎盥漱臨寒水褰開入
夏堂杉松交日影枕簟上湖光袞袞承嘉話清
風納晚涼

僧房避暑

支公好閑寂庭宇愛林篁幽曠無煩暑恬和不
可量蕙風清水殿荷氣雜天香月談空坐恬

然道術忘

九日登高

詩家九日憐芳菊
遲客高齋瞰浙江
漢浦浪花搖素壁
西陵樹色入秋牕
木奴向熟懸金實
桑落新開瀉玉缸
四子醉時爭講德
笑論黃霸屈爲邦

九月十日即事

家貧惟種竹
時幸故人看
菊度重陽
少林經閨
月寒宿醒
猶落帽
華髮強扶冠
美景良難得
今朝更盡歡

送丘爲下第歸蘇州

滄江一身客獻賦空十年明主豈能好今人誰
舉賢國門稅征駕旅食謀歸旋暎日媚春水綠
蘋香客船無媒旣不達余亦思歸田

送少微上人東南遊

舊遊多不見師在翟公門瘴海空山熱雷州白
日昏片心應爲法萬里獨無言人盡酬恩去平
生未感恩

送崔子向

旅食來江上求名赴洛陽新詩蹤謝守內學似

支郎行怯秦爲客心依越是鄉何人作知己送
爾淚浪浪

荅劉長卿七里瀨重送

新安非欲枉帆過海內如君有幾何醉裏別時
秋水色老人南望一狂歌

歲初喜皇甫侍御至

湖上新正逢故人情深應不笑家貧明朝別後
門還掩脩竹千竿一老身

送舍弟

踈懶吾成性才華爾自彊早稱眉最白何事緩

仍黃時暑嗟于邁家貧念聚糧祗應宵夢裏詩
興屬池塘

示外生

牽役非吾好寬情爾在旁經過悲井邑起坐倦
舟航宅生應貴逢時學可強無輕吾未用世
事有行藏

詠孩子

嘉客會初筵宜時魄再圓衆皆含笑戲誰不點
頤憐繡被花堪摘羅縵色欲妍將鷓有舊曲還
入武城絃

酬謝侍御喜王宇及第見賀不遇之作
寂寞柴門掩經過柱史榮老夫寧有力半子自
成名柳映三橋發花連上道明緘書到別墅郢
曲果先成

秋日與諸公文會天■寺

相訪從吾道因緣會爾時龍盤餘帝宅花界古
人祠明月虛空色青林大小枝還將經濟學來
問道安師

荅劉長卿蛇浦橋月下重送

月色今宵最明庭閑夜久天清寂寞多年老宦

慇懃遠別深情溪臨脩竹煙色風落高梧雨聲
耿耿相看不寐遙聞曉柝山城

送房元直赴北京

猶道樓蘭十萬師書生疋馬去何之臨岐未斷
還家目望月空吟出塞詩常欲激昂論上策不
應憔悴老明時遙知到日逢寒食彩畫長裙會
晉祠

發桐廬寄劉員外

處處雲山無盡時桐廬南望轉參差舟人莫道
新安近欲上潺湲行自遲

秋夜船行

扁舟時屬暝，月上有餘輝。
海鷺秋還去，漁人夜不歸。
中流何寂寂，孤棹也依依。
一點前村火，誰家未掩扉。

送李端

故關衰草遍，離別正堪悲。
路出寒雲外，人歸暮雪時。
少孤爲客早，多難識君遲。
揜泣空相向，風塵何所期。

宿天竺寺


方外主人名道林，怕將水月淨身心。
居然對我


說無我寂歷山深將夜深

丹陽送韋參軍

丹陽郭裏送行舟
一別心知兩地秋
日晚江南望江北
寒鴉飛盡水悠悠

嚴維詩集終





唐靈一詩集

荷澤李 龔 和父編

棲霞山夜坐

山頭戒壇路幽映雪岩側四面青石床一峯苔
蘚色松風靜復起月影開還黑何獨乘夜來殊
非晝所得

宿天柱觀

石室初投宿仙翁喜暫容花源隔水見洞府過
山逢泉湧堦前地雲生戶外峯中宵自入定非
是欲降龍

酬皇甫冉將赴無錫於雲門寺贈別

湖南通古寺來往意無涯
欲識雲門路千峯到
若耶春山子敬宅古木謝敷家
自可長偕隱那言相去賒

宜豐新泉

泉源新湧出洞澈映纖雲
稍落芙蓉沼初淹苔
蘚文素將空意合淨與衆流分
每到清宵月冷冷夢裏聞

靜林精舍

靜林溪路遠蕭帝有遺蹤
水擊羅浮磬山鳴于

間鍾燈傳三世火樹老萬株松無數煙霞色空
聞昔卧龍

江行寄張舍人

客程終日風塵苦蓬轉還家未有期林色曉分
殘雪後角聲寒奏落帆時月高星使東看遠雲
破霜鴻北度遲流蕩此心難共說千峯登霽隔
瓊枝

送王穎悟

客意天南興已闌不堪言別向仙官夢搖玉珮
隨旄節心到金華憶杏壇荒郊極望歸雲盡瘦

馬空嘶落日殘想得故山青
靄裏泉聲入夜獨
潺湲

安公

彌天稱聖哲象法初繁賴弘道識行藏匡時知
進退秦王輕與舉習生重酬對學文古篆中義
顯新經內法服應華夏金言流海岱西方浮雲
間更陪龍花會

林公

支公信高逸又向山林住時將孫許遊豈以形
骸遇幸辭天子詔復覽名臣疏西晉尚虛無南

朝久淪悞因談老莊意乃盡逍遙趣誰爲竹林
賢風流相比附

遠公

遠公逢道安一朝弃儒服真機久消歇世教空
拘束誓入羅浮中遂棲廬山曲禪經初纂定佛
語新名目鉢帽絕朝宗簪裾翻拜伏東林多隱
士爲我辭榮祿

雨後欲尋天目山問元駱二公溪路

昨夜雲生天井東春山一雨一回風林花併逐
溪流下欲上龍池通不通

題王僧院

虎溪閑月引相過帶雪松枝挂薜蘿無限青山
行欲盡白雲深處老僧多

宿靜林寺

山寺門前多古松溪行欲到已聞鐘中宵引領
尋高頂月照雲峯凡幾重

再還宜豐寺

再尋招隱地重會息心期樵客問歸日山僧記
別時野雲陰遠甸秋雨漲前陂勿謂探形勝吾
今不好竒

酬陳明府舟中見贈

長溪通夜靜素舸與人閑
月影沈秋水風聲落暮山
稻花千頃外蓮葉兩河間
陶令多真意思一解顏

題東蘭若

上人禪室路徘徊萬木清陰向日開
寒竹影侵行道石秋風聲入誦經臺
閑雲不繫從舒卷狎鳥無機任往來
更惜片陽談妙理歸時莫待暝鐘催

送朱放

苦見人間世思歸洞裏天縱令山鳥語不廢野
人眠

歸岑山過惟審上人別業

禪客無心憶薜蘿自然行徑向山多知君欲問
人間事始與浮雲共一過

於潛道中作呈元八處士

苔水灘行淺潛州路漸深參差遠岫色迢滯野
人心凍澗水難釋秋山月易陰不知天目下何
處是雲林

送殷判官歸上都

漾舟雲路客來過夕陽時向背堪遺恨逢迎宿
未期水容愁暮急花影動春遲別後王孫草青
青入夢思

贈別皇甫曾

幽人從遠岳過客愛春山高駕能相送孤遊且
未還紫苔封井石綠竹掩柴關若到雲峯外齊
心去住間

送陳元初卜居麻源

欲向麻源隱能尋謝客蹤空山幾千里幽谷第
三重茅宇寧須葺荷衣不待縫因君見往事爲

我謝喬松

秋題劉逸人林泉

涼飈亂黃葉遲容橘陰清蘿徑封行跡雲門閉
野情零林秋露響穿竹暮煙輕莫戀幽棲地懷
安却敗名

自大林與韓明府歸郭中精舍

野客同舟楫相携復一歸孤煙生暮景遠岫帶
春暉不道還山是誰云向郭非禪門有通隱喧
寂共忘機

同使君宿大梁驛或作清江

旌旗江上出花外捲簾空夜色臨城月春寒度
水風雖然行李別且喜語音同若問匡廬事終
身媿遠公

題黃公陶翰別業

聞說花園堪避秦幽尋數月不逢人煙霞洞裏
無雞犬風雨林中有鬼神黃公石上三芝秀陶
令門前五柳新醉卧白雲閑作夢不知何物是
吾身

哭衛尚書


畫戟重門楚水陰天涯欲暮共傷心南荆雙履


痕猶在北斗孤兔望已深蓮花幕下悲風起細
柳營邊曉月臨前路茫茫向誰問感君空有淚
霑襟

贈靈徹禪師

禪師來往翠微間萬里千峯到剡山何時共到
天台裏身與浮雲處處閑

唐靈一詩集





唐皎然詩集

荷澤李 龔 和父編

曼銅椀為龍吟歌

并序

唐故太尉房公瑄早歲曾隱終南山峻壁
之下徃徃聞龍吟聲清而靜滌人邪想時
有好 僧潛曼以三金寫之惟銅聲酷似

他日房

至山寺聞林領間有此聲乃

曰龍吟

茲矣僧因之出其器以告

公公

驚曰真龍也大曆十三載秦

僧

僧憂

未曾聞此音一從太尉

房公賞遂

今初憂徐徐聲漸顯樂

章不管何

出龍淵萬丈底乍怪聲來近

而遠未必全由憂者工真生虛無非枕中寥亮

掩清狄縈迴凌細風遙聞不斷在煙杪萬籟無

聲天境空

聽專一境則眾音不聞非萬籟之無聲也

昨向天台宿華

頂秋宵一吟更清迥能令聽者易常性憂人忘

憂躁人靜今日鑑鍠江上聞蛟螭奔飛如得羣

聲過陰嶺忽成雨響駐晴天將遏雲坐來吟盡

江上碧却尋向者聲無跡人生萬事將此同暮

賤朝榮動遠寂

周昉長史畫毗沙門天王歌

長史畫神獨感神高妙區中無兩人雅而逸高
真形初生虛無忽可親降魔大戟縮在手猗
天長劒橫諸紳慈威示物雖凜栗在德無秋唯
有春吾知真像本非色此君妙用君心得苟得
下筆合神造誤點一點亦爲道寫出霜縑可舒
卷何人能識情遠秋齋清寂無外物盥手焚
香聊自展兵圍未解感得此神天上下

今雲

一顧煙塵青

買藥歌送

華陰少年何所希欲餌丹砂化骨飛江南藥少
淮南有誓別胥門出京口京口斜通江水流徘徊
迴應上青山頭朝驚朝沒鷓鴣堰朝看日出芙蓉
樓蕩漾春風亂帆影片雲無數是楊州楊州
喧喧賣藥市浮俗無由識仙子河間姪女直千
金紫陽夫人服不死吾於此道復何如昨朝新
得蓬萊書

飲茶歌送鄭容

丹丘羽人輕王食採茶飲之主羽翼

天台記云丹丘出大

茗服之羽化名藏仙府世空知骨化雲宮人不識雪
山童子調金鑄楚人茶經虛得名霜天半夜芳
草折爛熳緗華啜久主賞君茶■祛我疾使人
甯中蕩憂慄日上香爐情未畢亂蹋虎溪雲高
歌送君出

姑蘇行

古臺不見秋草衰却憶吳王全盛時千年月照
秋草上吳王在時幾迴望至今月出君不還世
人空對姑蘇山山中精靈安■覩轍迹人踪麋
鹿聚嬋娟西子傾國容化作寒陵一堆土

短歌行

古人若不死吾亦何所悲
蕭蕭煙雨九原上
白楊青松葬者誰
貴賤同一塵
死生同一指
人生在世共如此
何異浮雲與流水
短歌行短歌無窮日
已傾鄴宮梁苑徒有名
春草秋風傷我情
何爲不學空門侶
一悟空門無死生

效古 天寶十四年作

日出天地正
煌煌闢晨曦
六龍驅羣動
古今無盡時
夸父亦何愚
競走先自疲
飲乾咸池水
折盡長桑枝
渴死化爍火
嗟嗟徒爾爲
空留鄧林

在摧折令人癡

寓興

天下生白榆白榆直上連天根高枝不知幾萬
丈世人仰望徒攀援誰能上天採其子種向人
間笑桃李因問老仙求種法老仙哈我愚不荅
始知此道無成還如瞽夫學長生

荅蘇州韋使君

詩教殆淪缺庸音互相傾忽觀風騷韻會我宿
昔情蕩漾學海資鬱爲詩人英格將寒松高氣
與秋江清何必鄴中作可爲千載程受辭分堯

竹萬里臨江城一到掃煩政况今休瀆兵應燐
禪家子林下寂無營跡隳世上華心得道中精
脫畧文字累免爲外物嬰書衣流埃積硯石駁
蘚生恨未識君子空傳手中瓊安無誘我性始
願懲素誠爲無鸞鴛音繼公雲和笙吟之向禪
藪反媿幽松聲

酬李司直縱諸公冬日遊妙喜寺題照
昱二上人房寄長城潘丞述

達賢貴貞隱常懼迹不滅遂與永公期遺身坐
林樾華軒何磷磷爲我到幽絕心境寒草花空

門青山月潘生獨不見清景屢盈缺林下長寂
寥人間自離別何時解輕珮來稅林中轍

山居示靈徹上人

晴明路出山初煖行踏春蕪看茗歸乍削柳枝
聊代札時窺雲影學裁衣身閒始覺隳名是心
了方知苦行非物外寂中誰似我松聲草色共
無機

酬薛員外誼苦熱行

六月金數伏茲辰日在庚炎曦曝肌膚毒霧昏
檐楹安得奮翅翻超遙出雲征不知天地心如

何匠生成火德燒百卉
瑶草不及榮有客當此
時忍貽懷中瓊捧翫煩
袂滌嘯歌美風生遲君
佐元氣調使四序平中
令霜不祆火餘氣常貞
江南詩騷客休吟苦熱行

訪陸羽處士不遇

太湖東西路吳王古山前
所思不可見歸鴻自
翩翩何山賞春茗何處
弄春泉莫是滄浪子悠
悠一釣船

戲題贈吳憑

予讀古人書遂識古人面
不是識古人邪正心

自見貴義輕財求俗譽一錢與人便驕倨昨朝
爲火今爲冰此道非君獨撫膺

奉應顏使君真卿與陸處士羽登妙喜
寺三癸亭

秋意西山多列岑縈左次繕亭歷三癸

以癸丑
歲癸卯

朔癸亥日立故
名顏名陸 疏址隣什寺元化隱靈蹤始君

啓高致誅榛養翹楚鞭草理芳蕙俯砌披水容
逼天掃峯翠境新耳目換物遠風煙異倚石忘
世情援雲得真意嘉林幸勿翦禪侶欣可庇衛
法大臣過仁遊羣英萃龍池護清澈虎節到深

還徒想嶮頂期于今沒遺記

冬日天日西峯張鍊師所居

採薪逢野泉漸見棲閑所坎坎山上聲幽幽林中語仙卿何代隱鄉服言亦楚開冰洗藥苗掃雪候山侶零葉聚疎籬幽花積寒渚冥冥孤鶴性天外思輕舉

出遊

少時不見山便覺無竒趣狂發從亂歌情來任閑步此心誰共證笑看風吹樹

題周鍊別業

隱身苔上欲何如，不著青袍愛綠蘿。
柳巷任踈容騎入，水籬從破許船過。
昂藏獨鶴閑心遠，寂歷秋花野意多。
若訪禪齋遙可見，竹窓書幌共煙波。

奉酬李負外嘉祐蘇臺屏居春首有懷
昔歲爲邦初未識，今朝休沐始相親。
移家水巷貪依靜，種柳風窓欲占春。
詩思先邀烏府客，山情閑訪白樓人。
登臨許作煙霞伴，高作方袍間幅巾。

送關小師還金陵

如何有歸思愛別欲忘難白鷺沙洲晚青龍水
寺寒蕉花鋪淨地桂子落空壇持此爲心境應
堪月夜看

酬襄陽詩僧少微

證心何有夢示說夢歸類文字齋秦本詩騷學
楚人蘭開衣上色柳向手中春別後須相見浮
雲是我身

早秋桐廬思歸示道諺上人

桐江秋信早憶在故山時靜夜風鳴磬無人竹
掃墀猿來觸淨水鳥下啄寒梨何必關吾事歸

心自有期

舟行懷閩士和

二月湖南春草徧橫山渡口
華如霰相思一日在孤舟
空見歸雲兩三片

寄題雲門寺梵僧無側房

時人傳是寶月後身

越山千萬雲門絕西僧貌古還名月
清朝掃石行道歸林下眠禪看松雪

法華寺上方題江上禪室

路入松聲遠更竒山光水色共參差
中峯禪寂一僧在坐對梁朝老桂枝

題秦系山人麗句亭

獨將詩教領諸生，但愛青山不愛名。
滿院竹聲堪愈疾，亂床花片足忘情。

奉和顏使君脩韻海畢州中重宴

得雙字

世學高南郡，身封盛魯邦。
九流宗韻海，七字揖文江。
惜賞雲歸堞，留歡月在窓。
不知名教樂，千載與誰雙。

遊溪待月

溪色思泛月，沿洄欲未歸。
殘燈逢水店，踈磬憶山扉。
夜浦魚驚少，空林鵲遶稀。
可中纔望見，撩

亂擣寒衣

往丹陽尋陸處士不遇

遠客殊未歸我來幾惆悵叩關一日不見人繞
屋寒華咲相向寂寂寒花徧荒阡柳色蕭蕭愁
暮蟬行人無數不相識獨立雲陽古木邊鳳翅
山中思古寺魚竿村口望歸船歸船不見見寒
煙離心遠水共悠然他日相期那可定間僧着
處即經年

寄常一上人

寒鴈五山臨汗漫雲州一路出青冥何因請住

嘉祥寺內史新修湖上亭

贈柳喜自號嵩山老

一見嵩山老吾生恨太遲
問君年幾許曾出上皇時

酬秦系山人見寄

左右香童不識君
擔簦訪我領鷗羣
山僧待客無俗物
惟有窓前片碧雲

聽寒更寄朱巨川

欹枕聽寒更寒更發
還住一夜千萬聲
幾聲到君處

秋居法華寺下院望高頂贈如獻上人
峯色秋天見松聲靜夜聞影孤長不出行道在
深雲

送沈秀才之閩中 過字

楚客未成歌春風起綠波嶺重寒不到海近瘴
偏多野戍桄榔發人家翡翠過翻疑此中好君
問定如何

送履霜上人還金陵西山

携錫西山步綠莎禪心未了柰情何湘秋水寺
清秋外月落風悲松柏多

送顧道士遊洞庭

見說洞庭無上路
春遊亂踏五靈芝
含桃風起花狼藉
正是仙翁棋散時

送邢台州濟

海上仙山屬使君
石橋琪樹古來聞
他時畫出白團扇
乞取天台一片雲

冬日梅溪送裴方舟之宣州

平明匹馬上村橋
花發梅溪雪未消
日短大寒愁送客
楚山無限路遥遥

送秘上人游京

共君方異路山伴與誰同日冷行人少時清古
鎮空暖餅和雪水鳴錫帶江風撩亂終南色遙
應入夢中

送贊上人還京

微字

久遊春草盡還寄北船歸沙鳥窺中食江雲入
淨衣秦原山色近楚寺磬聲微見說翻經館多
聞似爾稀

送李秀才赴廬婺州招

時字

山開江上色孤賞去應遲綠水延吳榜秋風入
楚辭猿清獨宿處木落遠行時見說東陽守登

樓爲爾期

銅雀妓

強開樽酒向陵看
憶得君王舊日歡
不覺餘歌悲自斷
非關艷曲轉聲難

長門怨

春風日七閉長門
搖蕩春心似夢魂
若遣花開只闕妾
不知桃李自無言

啼猿送客

萬里巴江水三聲
月峽深何年有此路
幾客共沾襟
斷壁分垂影
流泉入苦吟
悽涼離別後聞

此更傷心

江上風

江風西復東，飄暴忽何窮。
初生虛無際，乍起蕩漾中。
應吹夏口檣，竿折定感湓城浪。
花咽今朝莫怪沙岸明，昨夜風狂捲成雪。

夏口登觀農樓和崔論使君詠微雨

片雨拂檐楹，煩襟四座清。
霏微過麥隴，蕭瑟傍莎城。
靜愛和花落，幽聞入竹聲。
朝觀興無限，高詠寄閑情。

南樓望月

夜月家家望亭亭愛此樓纖雲溪上斷踈柳影
中秋漸暎千峯出遙分萬派流關山時復見應
獨起邊愁

詠史

田氏門下客馮公衆中賤一朝市義還百代名
獨擅始知下客不可輕能使二人功業成借問
高車與珠履何如疵賤一書生

送常清上人歸舒州

瀟人思爾法楚信有回船估客親宵話閑鷗俾
晝禪經聲含石浪塵尾拂江煙常說歸山意誅

牛廬霍前

送志弘沙彌赴上元受戒

上元江中有古戒壇

不買資章甫勝衣被木蘭今隨秣陵信欲及蔡
洲壇野寺鍾聲遠春山戒足寒歸來次第學應
見後心難

送烏城李明府得陟狀赴京

驛吏滿江城深仁見此情士林推玉振公府薦
冰清爲政移風久承恩就日行仲容綸綍貴南
巷有光榮

送陸鴻漸不遇

移家雖帶郭野徑入桑麻近種籬邊菊秋來未
著花叩門無犬吠欲去問西家報道山中去歸
來每日斜

懷舊山

或作滄浩

一坐西林寺從來未下山不因尋長者無事到
人間宿雨愁爲客寒花咲未還空懷舊山月童
子念經閑

稟上人游越

雲泉誰不賞獨見爾情高投宿輕龍窟臨流咲
鷺濤折荷爲片席灑水淨方袍剡路逢禪侶多

應問我曹

從軍行

黃紙君王詔青泥校尉書
誓師張虎落選將探
犀渠霧暗津蒲失天寒
塞柳踈橫行十萬騎欲
掃虜塵餘

隴頭水

隴頭心欲絕隴水不堪聞
碎影搖槍壘寒聲咽
幔軍素從鹽海積綠帶
柳城分日落天邊望透
迤入塞雲

塞下曲二首

寒塞無因見落梅
胡人吹入笛聲來
勞上亭上春應度
夜上城南戰未回

又

都護今年去武威
胡沙萬里鳥空飛
旌竿瀚海掃雲出
羶騎天山踏雪歸

支公詩

支公養馬復養鶴
率性無羈多脫略
天生支公與凡異
凡情不到支公地
得道由來天上仙
爲僧却下人間寺
道家諸子論自然
此公唯許逍遙篇
山陰詩友喧四座
佳句縱橫不廢禪

宿吳匡山破寺

與餘不溪廢寺詩畧同

雙峯百戰後真界滿塵埃
蔓草綠空壁悲風起
古臺野花寒更發山月暝
還來何事池中水東流獨不回

少年行

翠樓春酒蝦蟆陵長安少年皆共矜
紛紛半醉綠槐道躑躅花駿驕不勝

春日杼山寄李縱員外

南山惟與北山隣古樹連拳伴我身
黃鶴有心多不住白雲無事獨相親
閑持竹錫深看水嬾

着麻衣出見人欲掇幽芳聊贈送
郎官那賞石門春

宿法華寺簡徹上人

至道無機但杳冥孤燈寒竹自青熒
不知何處小乘客一夜風前聞誦經

九月十日

愛寄柴桑隱名溪近訟庭掃沙開野步
搖舸出閑汀宿簡邀詩伴餘花在酒
餅悠然南望意自有峴山青

晚秋破山寺

秋風落葉滿空山古寺殘燈石壁間昔月經行人盡去寒雲夜七自飛還

青陽上人院說金陵故事

君說南朝全盛日秣陵才子最多人千年秋色古池館誰見齊王西邸春

送僧之京師

綿綿渺渺楚雲繁萬里西歸望國門禪子初心易悽斷秋風莫上少陵原

送許丞還洛陽


剡茗情來亦好斟空門一別冑沾襟悲風不動


罷瑤軫忘却洛陽歸客心

題湖上草堂

山居不買剡中山湖上千峯處處閑芳草白雲
留我住世人何事得相關

唐皎然詩集 終





戎昱詩集

長安秋夕

八月更漏長
愁人起常早
閉門寂無事
滿院生秋草
昨宵北窗夢
夢入荆南道
遠客歸去來
在家貧亦好

羅江客舍

山縣秋雲闇
茅亭暮雨寒
自傷庭葉下
誰問客衣單
有興時添酒
一作開卷
無聊嬾整冠
近來鄉國夢
夜夜到長安

贈岑郎中

童年未解讀書時，誦得郎中數首詩。
四海煙塵猶隔闕，十年魂夢每相隨。
雖披雲霧逢迎杜，已恨趨風拜德遲。
天下無人鑒詩句，不尋詩伯重尋誰。

聞笛

入夜思歸切，笛聲清更哀。
愁人不願聽，自到枕前來。
風起塞雲斷，夜深關月開。
平明獨惆悵，飛盡一庭梅。

漢上題韋氏莊

結茅同楚客，卜築漢江邊。
日落數歸鳥，夜深聞

扣舷水痕侵岸柳山翠借厨煙調笑提筐婦春
來驚幾眠

閨情

側聽官官說知君寵尚存未能開笑頰先欲換
愁魂寶鏡窺粧影紅衫裏淚痕昭陽今再入
敢恨長門

衡陽春日遊僧院

曾共劉諮議同時事道林與君相掩淚來客豈
知心堦雪凌春積爐煙向暝深依然舊章子相
送出花林

玉臺體題湖上亭

湖入縣西邊湖頭勝事偏
綠竿初長筍紅顆未
開蓮蔽日高高樹迎人
小小船清風長入坐夏
月似秋天

早梅

一樹寒梅白玉條
迥臨村路傍溪橋
應緣近水花先發
疑是經春雪未銷

移家別湖上亭

好是春風湖上亭
柳條藤蔓繫離情
黃鶯久住渾相識
欲別頻啼四五聲

客堂秋夕

隔窻螢影滅復流北風微雨虛堂秋蟲聲竟夜
引鄉淚蟋蟀何知人自愁四時不得一日樂以
此方悲客遊惡一作客牢落寂寂江城無所聞梧桐
葉上偏蕭索

湖南雪中留別

草草還草草湖東別離早何處愁殺人歸鞍雪
中道出門迷轍跡雲水白浩浩明日武陵西相
思鬢堪老

贈別張駙馬

上元年中長安陌見君朝下欲歸宅飛龍騎馬
三十四玉勒雕鞍照初日數里衣香遙撲人長
衢兩歇無纖塵從奴斜抱勅賜錦雙雙蹙出金
騏驎天子愛堦皇后弟獨步明時負權勢一身
扈蹕承殊澤甲第朱門聳高戟鳳凰樓上伴吹
簫鸚鵡杯中醉留客泰去否來何足論宮中晏
駕人事翻一朝負譴辭丹闕五年待罪湘江源
冠冕淒涼幾遷改眼看桑田變成海華堂金屋
別賜人細眼黃頭揔何在清官相見寸心悲嬾
欲今時問昔時看君風骨殊未歇不用愁來雙

淚垂

苦哉行

寶應
中作

妾家清河邊七葉承貂蟬身爲最小女偏得渾
家憐親戚不相識幽閨十五年有時最遠出祗
到中門前前年狂胡來懼死翻生全今秋官軍
至豈意遭戈鋌匈奴爲先鋒長鼻黃髮拳彎弓
獵生人百步牛羊羶脫身落虎口不及歸黃泉
苦哉難重陳暗哭蒼蒼天

涇州觀元戎出師

寒日征西將蕭蕭萬馬叢吹筳覆樓雪祝纛滿

旗風遮虜黃雲斷燒羗白草空金饒肅天外玉
帳靜霜中朔野長城閉河源舊路通衛青師自
老魏絳賞何功槍壘依沙迥轅門壓塞雄燕然
如可勒萬里願從公

從軍行

昔從李都尉雙鞬照馬蹄擒生黑山北殺敵黃
雲西太白沉虜地邊草復萋萋歸來邯鄲市百
尺青樓梯感激然諾重平生膽力齊芳筵暮歌
發艷粉輕鬟低半酣秋風起鐵騎門前嘶遠戎
報烽火孤城嚴鼓鼙揮鞭望塵去少婦莫含啼

古意

女伴朝來說知君欲弃捐懶梳明鏡下羞到畫
堂前有淚沾脂粉無情理管絃不知將巧笑更
遣向誰憐

聽杜山人彈胡笳

綠琴胡笳誰妙彈山人杜陵名庭蘭杜君少與
山人友山人沒來今已久當時海內求知音囑
付胡笳入君手杜陵攻琴四十年琴聲在音不
在絃座中爲我奏此曲滿堂蕭颯如窮邊第一
第二拍淚盡蛾眉沒蕃客更聞出塞入塞聲穹

廬氊帳難爲情胡天雨雪四時下五月不曾芳
草生湏臾促軹變宮徵一聲悲兮一聲喜南看
漢月雙眼明却顧胡兒寸心死迴鶻數年收洛
陽洛陽士女皆駑將豈無父母與兄弟聞此哀
情皆斷腸杜陵先生證此道沈家祝家皆絕倒
如今世上雅風衰若箇深知此聲好世上愛箏
不愛琴則明此調難知音今朝促軹爲君奏不
向俗流傳此心

和蕃

漢家青史上計拙是和親杜稷依明主安危託

婦人豈能將玉貌，便擬靜胡塵。地下千年骨，誰
爲輔佐臣。

桂州臘夜

座到三更盡，歸仍萬里賒。雪聲偏傍竹，寒夢不
離家。曉角分殘漏，孤燈落碎花。二年隨驃騎，辛
苦向天涯。

再赴桂州先寄李大夫

玷玉甘長弃，朱門喜再遊。過因讒後重，恩合死
前酬。養驥須憐瘦，栽松莫厭秋。今朝兩行淚，一
半血和流。

題招提寺

招提精舍好石壁向江開山影水中盡鳥聲天
上來一燈傳歲月深院長莓苔日暮雙林碧玲
玲送客回

謫官辰州冬至日懷

去年長至在長安策杖曾簪獬豸冠此歲長安
逢至日下階遙想雪霜寒夢隨行伍朝天去身
寄窮荒報國難比望南郊消息斷江頭唯有淚
闌干

贈韋况徵君

身欲逃名名自隨鳳銜丹詔降茅茨苦節難違
天子命貞心唯有老松知回看藥竈封題密強
入蒲輪引步遲今日巢由舊冠帶聖朝風化勝
堯時

送吉州閻史君入道二首

聞道桃源去塵心忽自悲余當從宦日君是弃
官時金■封仙骨靈津嚙玉池受傳三籙備起
座五雲隨洞裏花常發人間鬢易衰他年會相
訪莫作爛柯棊

廬陵太守近隳官霞帔初朝五帝壇風過鬼神

延受錄夜深龍虎衛燒丹冰容入鏡纖埃靜玉
液添餅漱齒寒莫遣桃花迷客路千山萬水訪
君難

入劔門

劔門兵革後萬事盡堪悲鳥鼠無巢穴兒童話
別離山川同昔日荆棘是今時征戰何年定家
家有畫旗

過商山

雨暗商山過客稀路傍孤店閉柴扉卸鞍良久
茅簷下待得巴人樵採歸

閨春宴花溪嚴侍御莊

一團青翠色云是子陵家山帶新晴雨溪留閨
月花瓶開巾漉酒地坼笋抽芽
承顏面朝
朝賦白華

歲暮客懷

異鄉三十口親老復家貧無事乾坤內虛爲翰
墨人歲華南去後愁夢北來頻惆悵江邊柳依
依又欲春

秋望興慶宮

先皇歌舞地今日未遊巡幽咽龍池水淩涼御

榻塵隨風秋樹葉對月老官人萬事如桑海悲
來欲慟神

送鄭鍊師貶辰州

辰州萬里外想得逐臣心謫去刑名枉人間痛
惜深謨將瑕指玉遂使謾消金計日西歸在休
爲澤畔吟

雲夢故城秋望

故國遺墟在登臨想舊遊一朝人事變千載水
空流夢渚鴻毛晚荆門樹色秋片雲凝不散遙
想望鄉愁

秋日感懷

洛陽岐路信悠悠無事辭家兩度秋日下未馳
千里足天涯徒泛五湖舟衣半浸緣鄉淚
貌潛銷是客愁說向長安親與故誰憐歲晚尚
淹留

送王明府入道

何事陶彭澤明時又掛冠爲耽泉石趣不憚薜
蘿寒輕雪籠紗帽孤猿傍醮壇懸懸老松下金
竈夜燒丹

秋月

一作江城秋夜

江干入夜杵聲秋百尺踈桐掛斗牛思苦自看
明月苦人愁不是月華愁

賦得鐵馬鞭

成器雖因匠懷剛本自天爲憐持寸節長擬靜
三邊未入英髦用空存鐵石堅希君剖腹取還
解抱龍泉

聞顏尚書陷賊中

聞說征南沒那堪故吏聞能持蘇武節不授馬
超勲國破無家信天秋有鴈羣同榮不同辱今
日負將軍

送蘇參軍

憶昨青襟醉裏分酒醒回首愴離羣舟移極浦
城初掩山東長江日早曛來有恨空思德別
後誰人更議文常歎蘇生官太屈應緣才似鮑
參軍

成都元十八侍御

不見元生已數朝浣花溪路去非遙客舍早知
渾寂寞交情豈謂更蕭條空有寸心思會面恨
無單酌遣相邀驂驄幸自能馳驟何惜揮鞭過
柞橋

觀衛尚書九日對中使射破的

盛宴傾黃菊殊私降紫泥月營開射圃霜拂拂
晴霓出將三朝貴彎弓五善齊腕迴金鏃滿的
破綠弦低勇氣干牛斗歡聲震鼓鼙忠臣思報
國更欲取關西

辰州聞大駕還宮

聞道鑾輿歸魏闕望雲西拜喜成悲寧知隴水
煙銷日再有園林秋薦時渭水戰添亡虜血秦
人生覩舊朝儀自慚出守辰州畔不得親隨日
月旗

辰州建中四年多懷

荒徼辰陽遠窮秋瘴雨深
幸恩堪灑血邊宦更
何心海上紅旗滿生前
白髮侵竹寒寧改節隼
靜早因禽務退門多掩
愁來酒獨斟天涯憂國
淚無日不沾襟

上桂州李大夫

今日辭門館情將衆別殊
感深翻有淚仁過曲
憐愚晚鏡傷秋鬢晴寒
切病軀煙霞萬里闊宇
宙一身迂倚馬才寧有
登龍意豈無唯於方寸
內暗貯報恩珠

江城秋霽

霽後江城風景涼，豈堪登眺只堪傷。
遠天蟬竦收殘雨，映水鷓鴣近夕陽。
萬事無成空過日，十年多難未還鄉。
不知何處銷茲恨，轉覺愁隨夜夜長。

上李常侍

旌旗曉過大江西，七
前驅萬
齊千里政聲
人共喜三軍令，肅馬前嘶恩沾境內風。
初變春入城陰柳，漸低桃李不
令更種早知門下舊
成蹊

上湖南崔中丞

山上青松陌上塵，雲泥豈合得相親。
世路盡嫌良馬瘦，唯君不棄卧龍貧。
千金未必能移姓，一諾從來許殺身。
莫道書生無感激，寸心還是報恩人。

早春雪中

陰雲萬里晝漫漫，愁坐關心事幾般。
爲報春風休下雪，柳條初放不禁寒。

雲安阻雨

日長巴峽雨濛濛，又說歸舟路未通。
遊人不及

西江水先得東流到渚宮

湖南春日二首

自憐春日客長沙江上無人轉憶家
光景却添鄉思苦簷前數片落梅花

三湘漂寓若流萍萬里湘鄉隔洞庭
羈客春來心欲碎東風莫遣柳條青

送陸秀才歸覲

武陵何處在南指楚雲陰花萼連枝近
桃源去路深鶯啼徒寂寂征馬已駸駸
上千年柳條條掛我心

戲題秋月

秋宵月色勝春宵萬里天涯靜寂寥
近來數夜飛霜重只畏少安婆樹葉凋

宿湘江

九月湘江水漫流沙邊唯覽月華秋
金風浦上吹黃葉一夜紛紛滿客舟

戲贈張使君

數載蹉跎罷摺紳五湖乘興轉迷津
如今野客無家第醉處尋常是主人

安公賈明府

華縣門前江水深淺於新春
意心把看詩卷
西歸去一度相思一度吟

霽雪

風卷寒雲暮雪晴
江煙洗盡柳條輕
簷前數片
無人掃
又得書牕一夜明

漢陰弔崔貞外墳

遠別望有歸葉
望春暉
所痛泉路人一去無
還期荒墳遺漢陰
墳樹啼子規
存沒抱冤滯孤
魂意何依
豈無骨肉親
豈無深相知
曝露不復
問高名
為相攜
慟君罷
春自空遲遲

題槿花

自用金錢買槿栽二年方始得花開鮮紅未許
佳人見蝴蝶爭知早到來

題宋玉亭

宋玉亭前悲暮秋陽臺路上雨初收應緣此處
人多別松竹蕭蕭也帶愁

過東平軍

畫角初鳴殘照微營營鞍馬往來稀相逢士卒
皆垂淚八座朝天何日歸

送辰州鄭使君

誰人不譴謫君去獨堪傷
長子家無弟慈親老
在堂驚魂隨驛吏
冒暑向炎方未到猿啼處
參差已斷腸

江上柳送人

江柳斷腸色黃絲垂未齊
人看幾重恨鳥入一枝
低鄉淚正堪落與君又解攜
相思萬里道春

夕陽西

湘南曲

虞帝南遊不復還
翠蛾幽怨水雲間
昨夜月明湘浦宿
閨中珂珮度空山

塞上曲二首

慘慘寒日沒北風捲蓬根將軍領疲兵却入古
塞門回首指陰山殺氣成黃雲

樓上畫角哀即知兵心苦試問左右人無言淚
如雨何意休明時終年事鼙鼓

桂州西山登高上陸大夫

登高上山高處更堪愁野菊他鄉酒蘆花滿
眼秋風煙連楚郡兄弟客荊州早晚朝天去親
隨定遠侯

寄鄭鍊師

平生金石友淪落向辰州已是二年客那堪終
日愁尺書渾不寄兩鬢計應秋今夜相思月情
人南海頭

八月十五日

憶昔千秋節懽娛萬國同今來六親遠此日一
悲風年少逢胡亂時平似夢中梨園幾人在應
是涕無窮

征人歸鄉

三月江城柳絮飛五年遊客送人歸故將別淚
和鄉淚今日闌干濕汝衣

駱家亭子納涼

江湖思渺然不離國門前
折葦魚沉藻攀藤鳥
出煙生衣宜水竹小酒入詩篇
莫惟侵星座神清不欲眠

逢隴西故人憶關中會弟

莫話邊庭事心摧不欲聞
數年家隴地會弟歿
胡軍每念支離苦常嗟骨肉分
急難何日見遙哭隴西雲

秋夜梁十三廳事

今來秋已暮還恐未成歸
夢裏家仍遠愁中葉

又飛竹聲風度急燈影月來微得見深夫子心
源有所依

成都暮雨秋

九月龜城暮愁人閉草堂地卑多雨潤天暖少
秋霜縱欲傾新酒其如憶故鄉不知更滿意惟
向
邊長

酬梁二十

諸宮無限
相見獨相親長路皆同病無言似
一身歲寒唯愛竹憔悴不堪春細與知音說攻
文恐悟人

花下宴送鄭鍊師

愁惜春深聞幽即共尋
貴看花裏色圖放別
離心客醉花能笑詩成
花伴吟爲君調綠綺先
奏鳳歸林

秋館雨後得弟兄書即事呈李明府

弟兄書忽到一夜喜兼愁
空館復聞雨貧家怯
到秋坐中孤燭暗窗外
數螢流試以他鄉事明
朝問子游

寄梁淑

長憶江頭執別時論文未
有不相思鴈過經秋

無尺素人來終日見新詩
心思食藥何由展家似流萍
任所之悔學秦人南避地
武陵原上又徵師

送張秀才之長沙

君向長沙去長沙僕舊諳
雖之桂嶺北終是關庭南山
靄生朝兩江煙作夕嵐松
醪能醉客慎勿值湘潭

塞下曲

漢將歸來虜塞空旌旗初下
玉關東高蹄戰馬三千匹
落日平原秋草中

送僧法和

達士心無滯他心總是家問經翻貝葉論法指
蓮花欲契真空義先開智慧芽不知飛錫後何
處是恒沙

送嚴十五郎之長安

送客身爲客思家愴別家暫收雙眼淚遙想五
陵花路遠征車迥山迴劔閣斜長安君到日春
色未曾賒

冬日宴梁十三廳

故人能愛客秉燭會喜曹家爲朋徒罄心緣翰

墨勞夜寒銷臘酒霜冷重綈袍醉卧西牕下時
聞鴈嚮高

收襄陽城二首

悲風慘慘雨脩脩峴北山低草木愁暗發前軍
連夜戰平明旌旆入襄州
五營飛將擁霜戈百里僵屍滿澗河日暮歸來
看劒血將軍却恨殺人多

出軍

龍繞旌竿獸滿旗翻營乍似雪中移中軍一隊
三千騎盡是并州遊俠兒

和李尹種葛

弱質人皆弃，唯君手自栽。
蠹含霜後竹，香惹臘前梅。
擬託凌■勢，須憑接引材。
■陰如可惜，黃鳥定飛來。

送零陵妓

寶鈿香蛾翡翠裙，裝成掩泣欲行雲。
殷勤好取襄王意，莫向陽臺夢使君。

採蓮曲二首

雖聽採蓮曲，詎識採蓮心。
漾楫愛花遠，回船愁浪深。
煙生極浦色，日落半江陰。
同侶憐波靜，看

粧墮玉簪

洛陽女兒花滿頭
毵毵同泛木蘭舟
秋風日暮南湖裏
爭唱菱歌不肯休

塞上曲

胡風略地燒連山
碎葉孤城未下關
山頭烽子聲聲叫
知是將軍夜獵還

寂上人禪房

俗塵浮垢閉禪關
百歲身心幾日閒
安得此生同草木
無營長在四時間

桂州口號

畫角三聲動客愁
曉霜如雪覆江樓
誰道桂林風景暖
到來重著早貂裘

紅槿花

花是深紅葉
麴塵不將桃李共
爭春
今日驚秋自憐客
折來持贈少年人

哭黔中薛大夫

亞相何年鎮百蠻
生涯萬事瘴雲間
夜郎城外誰人哭
昨日空餘旌節還

感春

看花淚盡知春盡
覓斷看花祇恨春
名位未霑

身欲老詩書盡救眼前貧

途中寄李二

楊柳煙含灞岸春年年攀折爲行人好風若惜
低枝便莫遣青絲掃路塵

寄許鍊師

掃石焚香禮碧空露華偏濕藥珠宮如何說得
天壇上萬里無雲月正中

下第留辭顧侍郎

綺陌彤彤花照塵王門侯邸盡朱輪城南舊有
山村路欲向雲霞覓主人


題雲公山房


雲公蘭若深山裏
月明松殿微風起
試問空門清淨心
蓮花不着秋潭水

別離作

手把蒼花枝
未曾經別離
黃昏掩門後
寂寞自心知

戎昱詩集





劉滄詩集

長洲懷古

野燒原空盡荻灰吳王此地有樓臺
千年事在人何在半夜月明潮自來
白鳥影從江樹沒清猿聲入楚雲
哀停車日晚薦蘋藻風靜寒塘花
正開

經煬帝行宮

此地曾經翠輦過浮雲流水竟如何
香銷南國美人盡怨入東風芳草多
殘柳宮前空露葉夕陽川上浩煙波
行人遙起廣陵思古渡月明聞

劉滄詩集

長洲懷古

經煬帝行宮

棹歌

春日遊嘉陵江

獨泛扁舟映綠楊
嘉陵江水色蒼蒼
行看芳草故鄉遠
坐對落花春日長
曲岨危檣移渡影
暮天栖鳥入山光
今來誰識東歸意
把酒閑吟息洛陽

秋日山齋書懷

啓戶清風枕簟幽
虫絲吹落掛簾鉤
蟬吟高樹雨初霽
人憶故鄉山正秋
浩渺蒹葭連夕照
蕭疎踈楊柳隔沙洲
空將方寸荷知己
身寄煙蘿恩

未酬

晚秋洛陽客舍

清洛平分兩岸沙
沙邊水色近人家
隋朝古陌銅駝柳
石氏荒源金谷花
庭葉霜濃悲遠客
宮城日晚度寒鷗
未成歸計關河阻
空望白雲鄉路賒

深愁喜友人至

不避驅羸道路長
青山同喜惜年光
燈前話舊

草夜月下醉吟谿
樹霜落葉已經寒
燒盡衡

門猶對古城荒
此身未遂歸休計
一半生涯寄

岳陽

秋日望西陽

古木蒼苔墜幾層行人一望旅情增
太行山下黃河水銅雀臺西武帝陵
風入蒹葭秋色動雨餘楊柳暮煙凝
野花似泣紅妝淚寒露滿枝枝不勝

鄴都懷古

昔時霸業何蕭索古木唯多鳥雀聲
芳草自生宮殿處牧童誰識帝王城
殘春楊柳長川迥落日蒹葭遠水平
一望青山便惆悵西陵無主月

空明

題龍僧房

靜室遙臨伊水東，寂寥誰與此身同。
禹門山色度寒磬，蕭寺竹聲來晚風。
僧宿石龕殘雪在，鴈歸沙渚夕陽空。
偶將心地問高士，坐指浮生一夢中。

秋夕山齋即事

衡門無事閉蒼苔，籬下蕭疎野菊開。
半夜秋風江色動，滿山寒葉雨聲來。
鴈飛關塞霜初落，書寄鄉閭人未迴。
獨坐高牕此時節，一彈瑤瑟自

成哀

江行書事

遠渚蒹葭覆綠苔
姑蘇南望思徘徊
空江獨樹楚山背
暮雨一舟吳苑來
人度深秋風葉落
鳥飛殘照水煙開
寒潮欲上泛萍藻
寄薦三閭情自哀

過鑄鼎原

黃帝修真萬國朝
鼎成龍駕上丹霄
天風乍起鶴聲遠
海霧漸深龍節遙
仙界日長青鳥度
御衣香散紫霞飄
唯留古跡寒原在
碧水蒼蒼空寂寥

秋日寓懷

海上生涯一釣舟，偶因名利事淹留。
旅塗誰見客青眼，故國幾多人白頭。
霽色滿川明水驛，蟬聲落日隱城樓。
如何未盡此行役，西入潼關雲木秋。

江城晚望

一望江城思有餘，遙分野逕入樵漁。
青山經雨菊花盡，白鳥下灘蘆葉疎。
靜聽潮聲寒木杪，遠看風色暮帆舒。
秋期又涉潼關路，不得年年向此居。

宿蒼谿館

孤館門開對碧岑
竹牕燈下聽猿吟
巴山夜雨別離夢
秦塞舊山迢遞心
滿地莓苔生近水
幾株楊柳自成陰
空思知己隔雲嶺
鄉路獨歸春草深

題王母廟

寂寥珠翠想遺聲
門掩煙微水殿清
拂曙紫霞生古壁
何年絳節下層城
鶴歸遼海春光晚
花落閑堦夕雨晴
武帝無名在仙籍
玉壇星月夜空明

留別復本修古二上人

二遠相知是昔年此身長寄禮香煙綠蕪風晚
水邊寺清磬月高林下禪臺殿虛牕山翠入梧
桐踈葉露光懸西峰話別又須去終日關山在
馬前

邊思

漢將邊方背輓輓受降城北是單于黃河晚凍
雪風急野火遠燒山木枯偷號甲兵衝塞色衝
枚戰馬踏寒蕪蛾眉一沒空留怨青塚月明啼
夜烏

登龍門敬善寺閣

獨步危梯入杳冥，天風瀟灑拂簷楹。
禹門煙樹正春色，少室雲屏向晚晴。
花落院深清禁閉，水分川闊綠蕪平。
瑣牕朱檻同仙界，半夜緜山有鶴聲。

題王校書山齋

猿鳥無聲晝掩扉，寒原隔水到人稀。
雲晴古木月初上，雪滿空庭鶴未歸。
藥圃地連山色近，樵家路入樹煙微。
棲遲慣得滄浪思，雲閣還應夢釣磯。

浙江晚渡懷古

蟬噪秋風滿古隄
荻花寒渡思萋萋
潮聲歸海鳥初下
草色連江人自迷
碧落晴分平楚外
青山晚出穆陵西
此來一見垂綸者
卻憶舊居明月溪

及第後宴曲江

及第新春選勝遊
杏園初宴曲江頭
紫毫粉壁題仙籍
柳色簫聲拂御樓
霽景露光明遠岸
晚空山翠墜芳洲
歸時不省花間醉
綺陌香車似水流

秋日山寺懷友人

蕭寺樓臺對夕陰
淡煙踈磬散空林
風生寒渚白蘋動
霜落秋山黃葉深
雲盡獨看晴塞鴈
月明遙聽遠村砧
相思不見又經歲
坐向松牕彈玉琴

八月十五夜玩月

中秋朗月靜天河
烏鵲南飛客恨多
寒色滿牕明枕簟
清光凝露拂煙蘿
桂枝斜漢流靈魄
蘋葉微風動細波
此夜空亭聞木落
蒹葭霜磧鴈初過

晚春宿僧院

蕭寺春風正落花淹留數宿惠休家碧空雲盡
磬聲遠清夜月高牕影斜白
閑吟爲道侶青
山遙指是生涯微微一點寒燈在鄉夢不成聞
曙鷄

懷汶陽兄弟

回看雲嶺思茫茫幾
關河隔汶陽書信經年
鄉國遠弟兄無力海田荒天高霜月砧聲苦風
滿寒林木葉黃終日路岐歸未得秋來空羨鴈
成行

題天宮寺閣

丹闕侵霄壯復危排空霞影動簷扉城連伊水
禹門近煙隔上陽宮樹微天歛暮雲殘雨歇路
穿春草一僧歸此來閑望更何有無限清風生
客衣

遊上方石窟寺

苔徑縈迴景漸分翛然空界靜埃氛一聲踈磬
過寒水半壁危樓隱白雲雪下石龕僧在定日
西山木鳥成群幾來吟嘯立朱檻風起天香處
處聞

懷江南友人

久絕音書隔塞塵路歧誰與子相親愁中獨坐
秦城夜別後幾經吳苑春湘岸風來吹綠綺海
門潮上沒青蘋空勞兩地望明月多感斷蓬千
里身

題敬亭山廟

森森古木列巖隈迥壓寒原霽色開雲雨只從
山上起風雷多向廟中來三江入海聲長在雙
鶴啼天影未迴花落空庭春晝晚石牀松殿滿
青苔

經麻姑山

麻姑此地鍊神丹，寂寞煙霞古竈殘。
一自仙娥歸碧落，幾年春雨洗紅蘭。
帆飛震澤秋江遠，雨過陵陽晚樹寒。
山頂白雲千萬片，時聞鸞鶴下仙壇。

對殘春

楊花漠漠暗長隄，春盡人愁鳥又啼。
髣髴近來生處白，家園幾向夢中迷。
霏微遠樹荒郊外，牢落空城夕照西。
唯有年光堪自惜，不勝烟草日萋萋。

過滄浪峽

山疊雲重一徑幽蒼苔古石瀨清流出巖樹色
見來靜落澗泉聲長自秋遠入虛明思白帝寒
生浩景想滄洲如何地近東西路馬足車輪不
暫留

經過建業

六代興衰曾此地西風露泣白蘋花煙波浩渺
空亡國楊柳蕭條有幾家楚塞秋光晴入樹浙
江殘雨晚生霞淒涼處處漁樵路鳥去人歸山

影斜

贈道者

真趣淡然居物外
忘機多是隱天台
停燈深夜看仙籙
拂石高秋坐釣臺
賣藥故人湘水別
入簷栖鳥舊山來
無因朝市知名姓
地僻衡門對嶽開

題馬太尉華山莊

別開池館昔山陰
近得幽竒物外心
竹色拂雲連嶽寺
泉聲帶雨出谿林
一庭楊柳春光煖
三逕春蘿晚翠深
自是功成閑劍履
西齋長卧對瑤琴

秋日夜懷

砧杵寥寥秋色長
遶枝寒鵲客情傷
關山雲盡九秋月
門柳葉凋三徑霜
近日每思歸少室
故人遙憶隔瀟湘
如何節候變容髮
明鏡一看愁異常

題巫山廟

十二嵐峯挂夕暉
廟門深閉霧煙微
天高木落楚人思
山迥月殘神女歸
觸石晴雲凝翠髮
度江寒雨濕羅衣
嬋娟似恨襄王夢
猿叫斷岩秋蘚稀

題吳宮苑

吳苑荒涼故國名
吳山月上照江明
殘春碧樹自留影
半夜子規何處聲
蘆葉長侵洲渚暗
蘋花開盡水煙平
經過此地千年恨
荏苒東風露色清

旅館書懷

秋看庭樹換風煙
兄弟飄零寄海邊
客計倦行分陝路
家貧休種汶陽田
雲低遠塞鳴寒鴈
雨歇空山噪暮蟬
落葉虫絲滿牕戶
秋堂獨坐思悠然

贈天台隱者

靜者多依猿鳥
衡門野色四郊通
天開宿霧
海生日水泛落花
山有風迴望一巢
懸木未獨
尋危石坐巖中
看書飲酒餘無事
自樂樵漁多
釣翁

洛陽月夜書懷

踈柳高槐古巷通
月明西照上陽宮
一聲邊鴈
塞門雪幾處
遠砧河漢風獨榻
閑眠移嶽影寒
牕幽思度煙空
孤吟此夕驚秋晚
落葉殘花樹
色中

江行夜泊

白浪連空極渺漫孤舟此夜泊中灘岳陽秋霽
寺鍾遠渡口月明漁火殘綠綺韻高湘女怨青
葭色映水禽寒鄉遙楚國生歸思欲曙山光上
木蘭

贈顓頊山人

浩氣含真玉片輝著書精義入玄微洛陽紫陌
幾曾醉少室白雲時一歸松雪月高唯鶴宿煙
嵐秋霽到人稀知君濟世有長策莫問滄浪隱
釣磯

長安冬夜書情

上國棲遲歲欲終，此情多寄寂寥中。
鍾傳半夜旅人館，鷓鴣一聲踈樹風。
古巷月高山色靜，寒蕪霜落灞原空。
今來唯問心期事，獨望青雲路未通。

經古行宮

玉輦西歸已至今，古原風景自沉沉。
御溝流水長芳草，宮樹落花空夕陰。
胡蝶翅翻殘露滴，子規聲盡野煙深。
路人不記當年事，臺殿寂寥山影侵。

秋日登醴泉縣樓

閑上高樓時一望綠蕪寒野靜中分人行直路
入秦樹鴈截斜陽背寒雲渭水自流汀島色漢
陵空長石苔紋秋風高柳出危葉獨聽蟬聲日
欲曛

春日旅遊

玄髮辭家事遠遊春風歸鴈一聲愁花開忽憶
故山樹月上自登臨水樓浩浩晴原人獨去依
依春草水分流秦川楚塞煙波隔怨別路岐何
日休

送友人下第歸吳

共惜年華未立名，路岐終日軫羈情。
青春半是往來盡，白髮多因離別生。
楚岸帆開雲樹映，吳門月上水煙清。
東歸自有故山約，花落石牀苔蘚平。

訪友人郊居

登原過水訪相如，竹塢莎庭似故居。
空塞山當清晝晚，古槐人繼綠陰餘。
休彈瑟韻傷離思，已
有蟬聲報夏初。醉唱勞歌翻自嘆，
釣船漁浦夢難踈。

匡城尋薛閔秀才不遇

音容一別近三年
往事空思意浩然
疋馬東西何處客
孤城楊柳晚來蟬
路長草色秋山綠
川闊晴光遠水連
不見故人勞夢寐
獨吟風月過南燕

與僧話舊

巾舄同時下翠微
舊遊因話事多違
南朝古寺幾僧在
西嶺空林唯鳥歸
莎徑晚煙凝竹塢
石池春色染苔衣
此時相見又相別
即是關河朔鴈飛

寄遠

西園楊柳暗驚秋
寶瑟朱絃結遠愁
霜落鴈聲來紫塞
月明人夢在青樓
蕙心迢遞湘雲暮
蘭思縈迴楚水流
錦字織成添別恨
關河萬里路悠悠

長安逢友人

上國相逢塵滿襟
傾盃一話昔年心
荒臺共望秋山立
古寺多同雪夜吟
風度重城官漏盡
月明高柳禁煙深
終期白日青雲路
休感鬢毛霜雪侵

下第東歸途中書事

峽路誰知倦此情
往年多是半年程
孤吟洛苑逢春盡
幾向秦城見月明
高柳斷煙侵嶽影
古隄斜日背灘聲
東歸海上有餘業
牢落田園荒草平

經龍門廢寺

因思人事事無窮
幾度經過感此中山色
不移樓殿盡石臺
依舊水雲空
唯餘芳草滴春露
時有殘花落晚風
楊柳覆灘清瀨響
暮天沙鳥自西東

下第後懷舊居

幾到青門未立名，芳時多負故鄉情。
兩餘秦苑綠蕪合，春盡灞原白髮生。
每見山泉長屬意，終期身事在歸耕。
蘋花覆水曲谿暮，獨坐釣舟歌月明。

經無可舊居兼傷賈島

塵室寒牕我獨看，別來人事幾凋殘。
書空蕭寺一僧去，雪滿巴山孤客寒。
落葉墮巢禽自出，蒼苔封砌竹成竿。
碧雲迢遞長江遠，向夕苦吟歸思難。

贈隱者

何時止此幽棲處獨掩衡門長綠苔臨水靜聞
靈鶴語隔原時有至人來五湖仙島幾年別九
轉藥爐深夜開誰識無機養真性醉眠松石枕
空盃

題書齋

一日不曾離此處風吹疎牖夕雲晴氣凌霜色
劍光動吟對雪華詩韵清高木宿禽來遠嶽古
原殘雨隔重城西齋瑤瑟自爲侶門掩半春苔
蘚生

題秦女樓

珠翠香銷鴛瓦墮神仙曾向此中遊青樓月色
桂花冷碧落簫聲雲葉愁杳杳蓬萊人不見蒼
蒼苔蘚路空留一從鳳去千年後迢迢岐山水
石秋

題桃源處士山居留寄

白雲深處葺茆廬退隱衡門與俗踈一洞曉煙
留水上滿庭春露落花初閑看竹嶼吟新月特
酌山醪讀古書窮達盡爲身外事浩然元氣樂
樵漁

宿題天壇觀

沐髮清齋宿洞宮
桂花松韻滿巖風
紫霞曉色秋山霽
碧落寒光霜月空
華表鶴聲天外迥
蓬萊仙界海門通
冥心一虛無
理寂寞玄珠象
罔中

洛神怨

子建東歸恨思長
飄颻神女步池塘
雲鬟高動水宮影
珠翠乍搖沙露光
心寄碧沉空
婉戀夢殘春色自悠揚
停車綺陌傍楊柳
片月青樓落未央

龍門留別道友

一顧恩深荷道安，獨垂雙淚下。
巒飛鳴北鴈，寒雲暮搖落。
西風關樹寒，春谷終期吹羽翼。
萍身不定逐波瀾，徘徊偏起舊枝戀。
半夜獨吟孤燭殘。

題四皓廟

石壁蒼苔翠靄濃，驅車商洛想遺踪。
天高猿叫向山月，露下鶴聲來廟松。
葉墮陰巖踈薜荔，池經秋雨老芙蓉。
雪髯仙侶何深隱，千古寂寥雲水重。

望未央宮

西上秦原見未央山嵐川色晚蒼蒼雲樓欲動
入清渭鴛瓦如飛出綠楊舞席歌塵空歲月宮
花春草滿池塘香風吹落天人語綵鳳五雲朝
漢皇

秋日過昭陵

寢廟徒悲劍與冠翠華龍馭杳漫漫原分山勢
入空塞地匝松陰出晚寒上界鼎成雲縹緲西
陵舞罷淚闌干那堪獨立斜陽裏碧落秋光煙
樹殘

夏日登慈恩寺

金界時來一訪僧，天香飄翠瑣，
凝碧池靜照寒松。影清晝，
深懸古殿燈。晚景風蟬，
催節候，高空雲鳥度軒層。
塵機消盡話玄理，暮磬出林疎韻澄。

宿題金山寺

一點青山翠色危，雲巖不掩與星期。
海門煙樹潮歸後，江面山樓月照時。
獨鶴唳空秋露下，高僧入定夜猿知。
蕭疎水木清鍾梵，顥氣寒光動石池。

送友人遊蜀

北去西遊春未半蜀山雲雪入詩情
青蘿拂水花流影翠靄隔巖猿有聲
日出空江分遠浪鳥歸高木認孤城
心期萬里無勞倦古石蒼苔峽路清

題鄭中丞東谿

一境新開雉堞西綠苔微逕露淒淒
高軒夜靜竹聲遠曲岸春深楊柳低
山霽月明常此醉草芳花暗省曾迷
即隨鳳詔歸清列幾憶風花夢小谿

代友人悼姬

羅帳香微冷錦裯歌聲永絕想梁塵蕭郎獨宿
落花夜謝女不歸明月春青鳥罷傳相寄字碧
江無復採蓮人滿庭芳草坐成恨迢遞蓬萊入
夢頻

夏日登西林白上人樓

幾到西林清淨境層臺高視有無間寒光遠動
天邊水碧影出空煙外山苔點落花微萼在葉
藏幽鳥碎聲閑曠然多慊登樓意永日重門深
掩關

江樓月夜聞笛

南浦兼葭踈雨後寂寥橫笛怨江樓思飄明月
浪花白聲入碧雲楓葉秋河漢夜闌孤鴈度瀟
湘水闊二妃愁髮寒衣濕曲初罷露色河光生
釣舟

送友人下第東歸

漠漠楊花灞岸飛幾迴傾酒話東歸九衢春盡
生鄉夢千里塵多滿客衣流水雨餘芳草合空
山月晚白雲微金門自有西來約莫待螢光照
竹扉

從鄭郎中高州遊東潭

煙嵐晚入濕旌旗
高檻風清醉未歸
夾路野花迎馬首
出林山鳥向人飛
一谿寒水涵清淺
幾處晴雲度翠微
自是謝公心近得
登樓望月思依依

罷業原尉上座主尚書

自憐生計事悠悠
浩渺滄浪一釣舟
千里夢歸清洛近
三年官罷杜陵秋
山連絕塞渾無色
水到平沙幾處流
白露黃花歲時晚
不堪霜鬢鏡前愁

雨後遊南門寺

郭南山寺雨初晴上界尋僧竹裏行半壁樓臺
秋月過一川煙水夕陽平苔封石室雲含潤露
滴松枝鶴有聲木葉蕭蕭動歸思西風盡角漢
東城

題古寺

古寺蕭條偶宿期更深霜壓竹枝低長天月影
高窓過疎樹寒鷗半夜啼池水竭來龍已去老
枝枯處鶴猶棲傷心可惜從前事寥落朱廊墮
粉泥

晚秋野望

秋盡郊原情自哀
菊花寂寞晚仍開
高風踈葉帶霜落
一鴈寒聲背水來
荒壘幾年經戰後
故山終日望書回
歸途休問從前事
獨唱勞歌醉數盃

秋月望上陽宮

苔色輕塵鎖洞房
亂鷗群鴿集殘陽
青山空出禁城日
黃葉自飛宮樹霜
御路幾年香輦去
天津終日水聲長
此時獨立意難盡
正值西風砧杵涼

入關留別主人

此來多愧食魚心東閣將辭強一吟
羸馬客程秋草合晚暉關樹古槐深
風生野渡河聲急鴈過寒原嶽勢侵
對酒相看自無語幾多離思入
瑤琴

留別山中友人

欲辭松月戀知音去住多同羈鳥心
秋盡書牕驚白髮晚衡霜葉下青岑
大河風急寒聲遠高嶺雲開夕影深
別後寂寥無限意野花門路草蟲吟

春晚旅次有懷

晚出關河綠野平
依依雲樹動鄉情
殘春花盡黃鶯語
遠客愁多白髮生
野水亂流臨古驛
斷煙凝處近孤城
東西未遂歸田計
海上青山久廢耕

與重幽上人話舊

雲飛天末水空流
省與師同別異州
庭樹蟬聲初入夏
石林苔色幾經秋
燈微靜室生鄉思
月上嚴城話旅遊
自喜他年接巾舄
滄浪地近虎

溪頭

月夜聞鶴唳

碧落風微月正明
霜毛似怨有離情
莓苔石冷想孤立
楊柳葉疎聞轉清
空夜露殘驚墮羽
遼天秋晚憶歸程
鳳凰樓閣知猶戀
終逐煙霞上玉京

過北却山

散漫黃埃滿北原
折碑橫路碾苔痕
空山夜月來松影
荒塚春風變木根
漠漠兔絲羅古廟
翩翩丹旆過孤村
白楊落日悲風起
蕭索寒巢鳥獨奔

咸陽懷古

經過此地無窮事一望淒然感廢興
泃水故都秦二世咸原秋草漢諸陵
天空絕塞聞邊鴈葉盡孤村見夜燈
風景蒼蒼多少恨寒山半出白雲層

送友人罷舉赴薊門從事

人生行止在知己遠佐諸侯重所依
綠綬便當身是貴青霄休怨志相違
晚雲遼水疎殘雨寒角邊城怨落暉
此去黃金臺上客相思應羨鴈南歸

看榜日

禁漏初停蘭省開列仙名目上清來飛鳴曉日
鶯聲遠變化春風鶴影回廣陌萬人生喜色曲
江千樹發寒梅青雲已是酬恩處莫惜芳時醉
酒盃

送李休秀才歸嶺中

南泛孤舟景自饒蒹葭汀浦晚蕭蕭秋風漢水
旅愁起寒木楚山歸思遙獨夜猿聲和落葉晴
江月色帶回潮故園新過重陽節黃菊滿籬應
未凋

寓居寄友人

雨餘虛館竹陰清，獨坐書牕軫旅情。
芳草衡門無馬跡，古槐深巷有蟬聲。
夕陽雲盡嵩峯出，遠岸煙消洛水平。
今夜南原賞佳景，月高風定苦吟生。

經曲阜城

行經闕里自堪傷，曾嘆東流逝水長。
蘿蔓幾凋荒隴樹，莓苔多處古宮牆。
三千弟子標青史，萬代先生號素王。
蕭索風雨未回，上秋山明月夜蒼蒼。

汶陽客舍

年光自感益蹉跎岐路東西竟若何
牕外雨來山色近海邊秋至鴈聲多
思鄉每讀登樓賦對月空吟叩角歌
迢遞舊山伊水畔破齋荒徑閉煙蘿

留別崔澣秀才昆仲

汶陽離思水無窮去住情深夢寐中
歲晚虫鳴寒露草日西蟬噪古槐風
川分遠岳秋光靜雲盡遙天霽色空
對酒不能傷此別赤書憑鴈往來通

和友人憶洞庭舊居

客舍經時益苦吟，洞庭猶憶在前林。
青山殘月有歸夢，碧落片雲生遠心。
谿路煙開江月出，草堂門掩海濤深。
因君話舊起愁思，隔水數聲何處砧。

晚歸山居

寥落霜空木葉稀，初行郊野思依依。
秋深頻憶故鄉事，日暮獨尋荒徑歸。
山影暗隨雲水動，鐘聲潛入遠煙微。
娟娟唯有西林月，不惜清光照竹扉。


送元叙上人歸上黨 時節罷兵


太行關路戰塵收白
思鄉別沃州
薄暮焚香
臨野燒清晨
漱齒涉寒流
谿邊殘壘空
雲木山上孤城對
驛樓此去寂寥尋舊跡
蒼苔滿徑竹齋秋

秋日旅途即事

驅羸多自感煙草
遠郊平鄉路幾時
盡旅人終日行
渡邊寒水驛山下
夕陽城蕭索更何有
秋風向鬢生

劉滄詩集卷終





于瀆詩集

秦富人

高高起華堂
遠遠引流水
糞土視金珍
猶嫌未奢侈
陋巷滿蓬蒿
誰憐有顏子

擬古意

白玉若無玷
花顏須及時
國色久在室
良媒亦生疑
鴉髮未成髻
鸞鏡徒相知
翻慙效顰者
却笑從人遲

思歸引

不耕南畝田
為愛東堂桂
身同樹上花
一落又

經歲交親日相薄知己恩潛替日開十二門自
是無歸計

苦辛吟

壟上扶犁兒手種腹長飢窓下擲梭女手織身
無衣我願燕趙姝化爲嫫母姿一笑不直錢自
然家國肥

馬嵬驛

常經馬嵬驛見說坡前客一從屠貴妃生女愁
傾國是日芙蓉花不如秋草色當時嫁匹夫不
妨得頭白

隴頭吟

借問隴頭水終年恨何事深疑嗚咽聲中有征
人淚自古蘊長策況我非才智無計謝潺湲一
宵空不寐

塞下曲

紫塞曉屯兵黃沙披甲卧戰鼓聲未齊烏鳶已
相賀燕然山上雲半是離鄉魂衛霍待富貴豈
能無乾坤

山村曉思

開門省禾黍鄰翁水頭住今朝南澗波昨夜西

川雨牧童披短蓑腰笛期煙渚不問水邊人騎
牛傍山去

南越謠

迢迢東南天巨浸無津壩雄風卷昏霧干戈滿
艘船此時尉佗心兒童待幽燕三寸陸賈舌萬
里漢山川苦令交趾貨盡生虞芮田天意苟如
此遐人誰肯憐

野蠶

野蠶食青桑吐絲亦成繭無功及生人何異偷
飽煖我願均爾絲化爲寒者衣

古宴曲

雉扇合蓬萊朝車回紫陌重門集嘶馬言宴金
張宅燕娥奉卮酒低鬟若無力十戶手胼胝鳳
凰釵一隻高樓齊下視日照羅衣色笑指負薪
人不信生中國

秦原覽古

耕者戮力地龍虎曾角逐火德道將耳夜逢虵
母哭昔日望夷宮是處尋桑穀漢祖竟爲龍趙
高徒指鹿當時行路人已合傷心目漢祚又千
年秦原草還綠

旅館秋思

旅館坐孤寂出門成苦吟何事覺歸晚黃花秋
意深塞蝶戀衰草軫我離鄉心更見庭前樹南
枝巢宿禽

遼陽行

遼陽在何處妾欲隨君去義合齊死生本不誇
機杼誰能守空閨虛問遼陽路

述已歎

不長不成人及長老通身履善本求樂及善尤
苦辛如何幽并兒一箭取功勳

田翁歎

手植千樹桑，文杏作中梁。
頻年徭役重，盡屬富家郎。
富家田業廣，用此買金章。
昨日門前過，軒車滿垂楊。
歸來說向家兒孫，竟咨嗟不見千樹桑。
一浦芙蓉花。

長城

秦皇豈無德，蒙氏非不武。
豈將版築功，萬里遮胡虜。
團沙世所難，作壘明知苦。
死者倍堪傷，僵屍猶抱杵。
十年居上郡，四海誰爲主。
縱使骨爲塵，寃名不入土。

沙場夜

城上更聲發城下杵聲歇
征人燒斷蓬對泣沙
中月耕牛朝輓甲戰馬夜銜鐵
士卒浣戎衣交
河水爲血輕裘兩都客洞房愁宿別
何況遠辭
家生死猶未決

里中女

吾聞池中魚不識海水深
吾聞桑下女不識華
堂陰貧窻苦機杼富家鳴杵砧
天與雙明眸只
教識蒿簪徒惜越娃貌
亦蘊韓娥音珠玉不到
眼遂無奢侈心豈知趙飛燕
滿髻釵黃金

寒食

二月野中芳凡花亦能香素娥哭新冢樵柯鳴
柔桑田父引黃犬尋狐上高崗墳前呼犬歸不
知頭似霜

邊遊錄戍卒言

二十屬盧龍三十防沙漠平生愛功業不覺從
軍惡今來客鬢改知學彎弓錯赤肉痛金瘡他
人成衛霍目斷望君門君門苦寥廓

村居晏起

村舍少聞事日高猶閉關起來花滿地戴勝鳴

桑間居安即永業何者爲故山朱門與蓬戶大
十頭盡斑

經館娃宮

館娃宮畔顧國變生嬌妬勾踐膽未嘗夫差心
已悞吳亡甘已矣越勝今何處當時二國君一
種江邊墓

戍客南歸

北別黃榆塞南歸白雲鄉孤舟下彭蠡楚月沉
滄浪爲子惜功業滿身刀箭瘡莫渡汨羅水回
君忠孝腸

山村叟

古鑿巖居人一廛稱有產雖霑巾覆形不及貴
門大驅牛耕白石課女經黃蠶歲暮霜霰濃晝
樓人飽暖

古征戰

高峯凌青冥深穴萬丈坑皇天自山谷焉得人
心平齊魯足兵甲燕趙多娉婷仍聞麗水中日
日黃金生苟非夷齊心豈得無戰爭

感懷

採薇易爲山何必登首陽濯纓易爲水何必泛

滄浪貴崇已難慕
諛笑何所長
東堂桂欲空
猶有收螢光

金谷感懷

黃金驕石崇
與晉爭國力
更欲住人間
一日買不得
行爲忠信主
身是文章宅
四者俱不聞
空傳墮樓客

恨從軍

不嫁白衫兒
愛君新紫衣
早知遽相別
何用假光輝
已聞都萬騎
又道出重圍
一軸金裝字
致君終不歸

燒金曲

天壽畏不永燒金希長年積土培枯根自謂松
栢堅南陌試驪裏西樓歌嬋娟豈知蔓草中日
日開夜泉

子從軍

男作鄉中丁女作鄉男婦南村與北里日日見
父母豈似從軍兒一去便白首何當鑄劔戟盡
得丁男力

季夏逢朝客

漉水桃李熟杜曲芙蓉老九天休沐歸腰玉垂

楊道避路回綺羅迎風嘶
腰裏豈知山谷中日
日吹瑶草

織素謠

貧女苦筋力繰絲夜夜織
萬梭爲一素世重韓
娥色五侯初買笑建章
方落籍一曲古涼州六
親長血食勸爾畫長眉
學歌飽親戚

巫山高

何山無朝雲彼雲亦悠揚
何山無暮雨彼雨亦
蒼茫宋玉恃才者憑虛構
高堂自垂文賦名荒
淫歸楚襄峩峩十二峯
永作妖鬼鄉

擬古諷

洛陽大道傍甲第何深邃南畝無一廛東園有
餘地春溪化桃李秋沼生荷芰草木本無情此
時如有爲旱苗當壟死流水資嘉致余心甘至
愚不會皇天意

越溪女

會稽山上雲化作越溪人枉破吳王國徒爲西
子身江邊浣沙伴黃金扼雙腕倏忽不相期思
傾趙飛燕妾家基業薄空有如花面嫁盡綠牕
人獨自盤金線

富農詩 并序

瀆寓居堯山南六十里里有富農得氏琅琊人
指其貌此多藏者也積粟萬庾馬牛無筭血屬
星居於里土生不遺死不贈環顧妻孥意與天
地等故作是詩用廣知者

長聞鄉人語此家勝良賈骨肉化飢魂倉中有
飽鼠青春滿桑柘旦夕鳴機杼秋風一夜來累
累聞砧杵西鄰有原憲蓬蒿遶環堵自樂固窮
心天意在何處當門見堆子已作桑田主安得
四海中盡爲虞芮土

早發

綠野含曙光東北雲如茜
棲鴉林際起落月水中見
此身何自苦日日凌霜霰
流蘇帳裏人猶在陽臺畔

贈太行開路者

手斲太行山心齊太行巔
斲盡太行險君心更摩天
此身何苦辛自鑿東臯田

戍卒傷春


連年戍邊塞過却芳菲
東風氣力盡不減陰山雪
蕭條柳一株南枝葉微發
爲帶故鄉情依


依藉攀折晚風吹磧砂夜淚啼鄉月凌煙閣上
人未必皆忠烈

青樓曲

青樓臨大道一上一回老所思終不來極目傷
春草

于濟詩集終





王周詩集

蝮子賦 并序

蝮子之下有蝮子蝮子之下有浮塵子三者異乎皆狀小而黑類一也世云巴蛇鱗介中微蟲所變耳三伏間晝飛夜息啞啄人肌膚動爲瘡瘡能飛不見其翼能齧不見其口微眇之極雖縝密衣服亦可通透莊生螭螟之說近之也至微之蟲豸詩獨無蝮子故作賦以廣之

蟲之至微名之曰蝮信乎蟣之別品謂後虱之餘裔君巢蚊之異類結搏牛之深契附諸鬱烝



產彼蕪穢張華之識何以辨其兩翼離婁之明
何以見其長喙伺暑絃之漏露萃豐肌而睥睨
默焉而至暗然而噬人之至靈何闕爾之所衛
人之至剛何反爾之所制狀斯咄咄籲於造物
何不恣蛇虺之毒必當與之爲避何不張虎豹
之口不敢與之爲忽豈其食人之膏血資已之
肥腴念膚體之何毀痛瘡痍之難沒吾將擷楸
葉以爲薪俾爾之銷骨者也

泊姑熟口

杳杳金陵路難禁欲斷寬兩晴山有態風晚水

無痕遠色千檣岸
愁聲一笛村
如何遣懷抱
詩畢自開尊

湖口縣

柴桑分邑載圖經
屈曲山光展畫屏
最是蘆洲東北望
人家殘照隔煙汀

岳州衆湖阻風

衆湖湖口繫蘭船
睡起中餐又却眠
風伯如何解迴怒
數宵檣倚碧蘆煙

其二

偶繫扁舟枕綠莎
旋移深處避驚波
曉來閑共

漁人話此去巴陵路幾多

問春

遊絲垂幄雨依依
枝上紅香片片飛
把酒問春因底意
爲誰來後爲誰歸

春苔

花枝千萬趁春開
三月珊瑚即自回
剩向東園種桃李
明年依舊爲君來

西塞山

今謂之道士磯即興國軍大冶縣所隸也

西塞名山立翠屏
濃嵐橫入半江青
千尋鐵鎖無由問
石壁空存道者形

匹婦頑然莫問因匹夫何去望千春番思岵岵
傳詩什舉世曾無化石人

使風

風起即千里風回番問津沉思官遊者何啻使
風人

石首山

荆江東南流至此山即西北流
下川峽

爲名也

首出崔嵬占上游迴存濃翠向荊州空聞別有
回山力却見長江曲尺流

金口步

在江北漢陽
軍下必鐵也

兩山鬪咽喉羣石矗牙齒行客無限愁橫吞一江水

采桑女

渡水采桑歸蠶老催上機扎扎得盈尺輕素何人衣

其二

採桑知蠶飢投梭惜夜遲誰誇羅綺叢新畫學月眉

渡溪

渡溪溪水急水濺羅衣濕日暮猶未歸盈盈水

邊立

落葉

素律鑠欲脆青女妬復稀
月冷天風吹葉葉乾
紅飛

宿踈陂驛

秋澹棠梨葉半紅
荊州東望草平空
誰知孤官
天涯意微雨蕭蕭古驛中

再經秭歸

總角曾隨上峽船
尋思如夢可悽然
夜來孤館
重來宿枕底灘聲似舊年

其二

秭歸城邑昔曾過舊識無人柰老何獨有淒清
難改處月明聞唱竹枝歌

霞

拂拂生殘暉層層如裂緋天風翦成片疑作仙
人衣

巫山公署壁有無名山戲書二韻

施州路一

百八盤

南陵直上路盤盤平地凌雲勢萬端堪笑巴民
不厭足更嫌山少畫山看

道院

白日人稀到簾垂道院深
雨苔生古壁雪雀聚寒林
忘慮憑三樂消閑信五禽
誰知是官府煙縷滿鑪沉

會噲岑山人 戊寅仲冬六日

渝州江山忽相逢說隱西山最上峯
略坐移時又分別片雲孤鶴一枝筇

巴江

巴江江水色一帶濃藍碧
仙女瑟瑟衣風梭晚來織

王周詩
五
小園桃李始花偶以成詠

桃李裁成艷格新
數枝留得小園春
半紅半白無風雨
隨分天容解笑人

公居

公居門館靜旅寄
萬州城山共秋煙
紫霜并夜月清無
愁干酒律有句入
詩評何必須林下
方馳吏隱名

富池口

扁舟閑引望望極
更盤桓山密礙江
曲雨多饒地寒短
莎煙萋萋驚浪雪
漫漫難寫愁何限
鄉

關在一端

夔州病中

隱几經旬疾未痊孤燈孤驛若爲眠郡樓昨夜
西風急一一更籌到枕前

題廳壁

永日無他念孤清吏隱心竹聲并雪碎溪色共
煙深數息閑凭几緣情默寄琴誰知同寂寞相
與結知音

過武寧縣

十月十九日

行過武寧縣初晴物景和岸回驚水急山淺見

王周詩
天多細草濃藍潑輕煙正練拖晚來何處宿一
笛起漁歌

路次覆盆驛

曾上青泥蜀道難架空成路入雲寒如何却向
巴東去三十六盤天外盤

藕池阻風寄同行撫牧裘駕

船檣相望荆江中岸蘆汀樹煙濛濛路間隄鉄
水如箭未知何日生南風

無題二首

冰雪肌膚力不勝落花飛絮遶風亭不知何事

鞦韆下蹙破愁眉兩點青

梨花如雪已相迷更被驚鳥半夜啼簾捲玉樓
人寂寂一鈎新月未沉西

泊巴東

偶泊巴東古縣前官情鄉思兩綿綿不堪蠟炬
燒殘淚雨打船窻半夜天

道中未開木杏花

粉英香萼一般般無限行人立馬看村女浴蠶
桑柘綠枉將顏色忍春寒

西山晚景

五風詩
公局長清淡池亭晚景中
蔗竿閑倚碧蓮朶靜
淹紅半引彎彎月
微生颼颼風無思復無慮
此味幾入同

和

一片殘陽景朦朧
淡月中蘭芽紆嫩紫
梨頰抹生紅
琴阮資清格冠簪
養素風煙霄半知
已吏隱少相同

齒落詞

已卯至庚辰仲夏晦之暮
吾齒右排上一齒脫
而去呼吸缺吾防咀嚼
欠吾助年籥惜不返日

馭走爲蠹脣亡得無寒舌在從何訴輔車宜長
依髮膚可增懼不須考前古聊且爲近喻有如
雲中雨雨散絕回顧有如枝上葉葉脫難再附
白髮非獨愁紅顏豈私駐何必鬱九回何必牽
百慮開尊復開懷引筆作長句

淘金磧

畫船晚過淘金磧不見黃金惟見石猶恐黃金
價未高見得錙銖幾多力

施南路偶書

俗謂太市嶺即音之訛近
百歲再去秭歸寄家處

大石嶺頭梅欲發南陵坡上雪初飛苦無酒解

愁成陣又附蘭橈向秭歸

大石嶺驛梅花

己卯十一月十三日

仙中姑射接瑤姬成陣清香擁路歧半出驛牆
誰盡得雪英相倚兩三枝

贈怱師

水中有片月照耀嬋娟姿庭前有孤栢竦秀歲
寒期堅然物莫遷寂焉心爲師聲發響必荅形
存影即隨雪花安結子雪葉寧附枝蘭死不改
香井寒豈生澌晨鑪煙裏裏病髮霜絲絲丈室
冰凜冽一衲雲離披顧此名利場得不慙冠綬

遊仙都觀

冷杉枯栢路盤空
毛髮生寒略略風
兩漢真仙在何處
巡香行遶藥珠宮

誌峽船具詩并序

峽山之船與下之船大抵觀浮葉而爲之其狀一也執而爲用者或狀殊而用一或狀同而名異皆有謂也下之船有檣有五兩有帆所以使風也尾有柂傍有棚上者以其山曲水急下有石皆不可用也狀直如艫前後各一者謂之梢船之斜正欹側爲船之司命者梢類柂其狀殊

而船之便於事者悉不如梢作梢詩檣槩橈棹
拔使其進而無退利涉川澤爲船之陳力者艣
幾槩類其狀同而異名也在船有力悉不如艣
作艣詩峽水湍浚激石忽發者謂之瀆洄洑而
漩者謂之腦岸石壁立瀆之忽作篙力難制以
其木之堅韌竿直戟其首以竹納護之者謂之
戩竹爲綫而勾其戩者謂之納爲船之良輔者
戩與篙狀殊而用一也在船獨出悉不如戩作
戩詩崖石如齒非麻臬紉繩之爲前牽取竹之
筋者破而用臬爲韌以續之以備其牽者謂之

百丈繫其船首者謂之陽紐牽之者繫鼓以號令之人聲灘亂無以相接所以節動止進退牽之防礙者謂之下緯濟其不通爲船之先進者槩與竹狀殊而用一也在船先容悉不如百丈作百丈詩噫古人觀物因事爲誌者甚多也予祇命憲局浚沂巴賓抵瞿塘耳目熟於長年三老輩矣船具之於船有力者作詩以稱之庶幾魯望茶經者也俾系其末詩云

梢

制之居首尾俾之辨斜正首動尾聿隨叙取正

爲定有如提吏筆有如執時柄有如秉師律有
如宣命令守彼方與直得其剛且勁既能濟險
難何畏涉遼負招招俾作主汎汎實司命風鳥
愧斟酌盡鷁空輝映古人存豐規猗歟聊引證

艣

用之大曰艣冠乎小者楫通津既能濟巨浸即
橫涉身之使者頰虎之拏者爪魚之撥者鬣弩
之進者筴此實爲相須相須航一葉

戩

箭飛峽中水鋸立峽中石峽與水爲隘水與峽

相擊潰爲生險艱聲發其霹靂三老航一葉百
丈空千尺蒼黃徒爾爲倏忽何可測篙之小難
制戩之獨有力猗嗟戩之爲彬彬堅且直有如
用武人森森蠹戈戟有如敢言士落落吐背臆
極危居坦夷濟險危兢惕誌彼誓匠心俾其來
者識

百丈

少嘗侍先君餘閑誦白氏始得入峽詩深味作
詩旨云有萬仞山云有千丈水自念坎壈時尤
多兢慎理山東峽如口水漱石如齒孤舟行其

中薄水猶坦履屣顏屹焉立洶涌勃然起百丈
爲前牽萬險即平砥破之以筭管續之以麻臬
礪之堅以節引之直如矢杼軸連半空長短隨
兩涘鐵鎖枉馳名錦纜謾稱美長繩豈能繫朽
索何足擬苟非綫之爲胡可力行此

早春西園

引步携筇竹西園小徑通雪欹梅蒂綠春入杏
梢紅靜意崖穿溜孤愁笛破空如何將此景收
拾向圖中

金盤草詩

生寧江巫山
南陵林木中

今春從南陵得草名金盤金盤有仁性生在林

一端根節歲一節

其根一年生一節人採而服可解毒也

食之甘

而酸風俗競採掇俾人防急難巴中虵虺毒解

之如走丸巨葉展六出軟幹分長竿搖搖綠玉

活裊裊香荷寒世云暑酷月鬱有神物看

夏中採之

則必有巨蛇衝足人即難採

天之產於此意欲生民安今之

爲政者何不反此觀知彼苛且猛慎勿虐而殘

一物苟失所萬金惟可歎莫並蒿與菜豈羨芝

及蘭勤渠護根本栽植當庭欄寄言好生者休

說神仙丹

王周詩
十一
和程刑部三首

公會亭

公事公言地標名信必臧江山如得助談笑若
爲妨均賦鄉原肅詳刑郡邑康官箴居座右夙
夜筭難忘

碧鮮亭

颺颺籠清籟蕭蕭鏤翠陰向高思盡節從直美
虛心迥砌滋蒼蘚幽窓伴素琴公餘時引步一
徑靜中深

清漣閣

照影翻窻綺層紋滉額波絲青迷岸柳茸綠蘸
汀莎片雲翹野鷺孤香卷嫩荷凭欄堪入盡時
聽竹枝歌

自喻

予念天之生生本空踈器五歲稟慈訓憤悱讀
書志七歲辨聲律勤苦會詩賦九歲執公卷倜
儻于名意乞薦鄉老書幸會春官試折桂愧巍
峩依蓮何氣味性拙絕不佞才短無餘地前年
會知己薦章實非據寧見民說平空荷君恩寄
瞿唐抵巴渝往來名攬轡孤舟一水中艱險實

可畏羣操百丈牽臨難無苟避瀆向江底發水
在石中沸槌鼓稱打寬繫紉呼下緯善惡胡可
分死生何足諱騎衡與垂堂非不知前喻臨淵
與履冰非不知深慮我今縻摺紳善地誰人致
城狐與社鼠巧佞誰從庇奴顏與婢膝醜直誰
從媚妻兒夔限越容顏幾憔悴致身霄漢人呢
噓盡賢智

巫山廟

廟前溪水流潺潺廟中脩竹聲珊珊襄王一夢
杳難問晚晴天氣歸雲閑

下瞿塘寄時同年

春寒天氣下瞿塘
大壤溪前柳線長
須信孤雲似孤官
莫將鄉思附歸艍

和杜運使巴峽地暖節物與中土異黯

然有感詩三首

隨柳參差破綠芽
此中依約欲飛花
春光是處傷離思
何況歸期未有涯

始看菊蘂開籬下
又見梅花寄嶺頭
攬轡巴西官局冷
幾憑春酒沃鄉愁

花品姚黃冠洛陽
苑品云以姓紀名也
巴中春早羨孤芳

不知別有栽培力流詠新詩與激昂

施南太守以猿兒爲寄作詩荅之

得之黔中

頭生即白


虞人初獲西江西長臂難將意馬齊今日未啼頭已白不堪深入白雲啼


巫廟


巴水走若箭峽山開如屏洶湧疋練白首翠濃藍青崖空蓄雲雨灘惡驚雷霆神仙宅幽邃廟貌橫杳冥隱約可一夢縹緲餘千齡名利有所役舟楫無暫停
悉宰垂盼響祠禱希安寧
鷗鷗

爾何物飛飛來廟庭紛紛颺寥沉遠近隨虛舲
鐵石礪觜爪金碧禪光翎翔集託陰險鷓啄貪
羶腥日旣恃威福歲久爲精靈依草與附木誣
詭殊不經城狐與社鼠鎖細何足聽況乎人假
人心闊吞滄溟

王周詩集終







儲嗣宗詩集

登蕪城

昔人登此地
土壠已前悲
今自又非昔
春風能幾時

滄浪峽

滄浪臨古道
道上石成塵
自有滄浪峽
誰為無事人

垓城

百戰未言非
孤軍驚夜圍
山河意氣盡
淚濕美人衣

南坡遠望

開門橫古塘紅樹已驚霜獨立望秋草野人耕
夕陽孤煙起蝸舍飛鷺下漁梁唯有田家事依
依似故鄉

宿玉簫宮

塵飛不到空露濕翠微宮鶴影石橋月簫聲松
殿風綠毛辭世女白髮入壺翁借問燒丹處桃
花幾遍紅

晚眺徐州延福寺

彩風振旅塵晚景藉芳茵片水明在野萬花深

見人靜依歸鶴思遠惜舊山春今日惜携手寄
懷吟白蘋

宿甘棠館

塵跡入門盡悄然江海心水聲巫峽遠山色洞
庭深風桂落寒子嵐煙凝夕陰前軒鶴歸處蘿
月思沉沉

和茅山高拾遺憶山中雜題山泉一首
香味清機仙府回縈紆亂石便流杯春風莫泛
桃花去恐引凡人入洞來

千萬雲間丁令威殷勤仙骨莫飛若逢茅氏
傳消息貞白先生不久歸

胡山

犬入五雲音信絕鳳樓凝碧悄無聲焚香古洞
步虛夜露濕松花空月明

小樓

松杉風外亂山青曲几焚香對石屏空憶去年
春雨後鷺泥時污太玄經

山鄰

石橋春澗已歸遲夢入仙山山不知柱史從來

非俗吏青牛道士莫相疑

送人歸故園

遠節慘言別况逢心久違從來憶家淚今日送
君歸野路正風雪還鄉猶布衣里中耕稼者應
嘆讀書非

秋墅

欲暮候樵者望山空翠微虹隨殘雨散鴉帶夕
陽歸窮巷長秋草孤村時擣衣誰知多病者寂
寞掩柴扉

過王右丞書堂二首

澄潭昔卧龍章句世為宗獨步聲名在千巖水
石空野禽悲灌木落日弔清風後學攀遺址秋
山聞草蟲

萬樹影參差石牀藤半垂螢光雖散草鳥跡尚
臨池風雅傳今日雲山想昔時感深蘇屬國千
載五言詩

右丞昔陷賊
庭故有此句

孤鴈

孤鴈暮飛急蕭蕭天地秋關河正黃葉消息斷
青樓湘渚煙波遠驪山風雨愁此時萬里道魂

夢遶滄洲

贈隱者

盡室居幽谷亂山爲四鄰霧深知有術
牕靜似無人鶴語松上月花明雲裏春
生涯更何許尊酒與垂綸

早春懷薛公裕

幽獨自成愚柴門日漸蕪陸機初入洛
孫楚又遊吳失意怨楊柳異鄉聞鷓鴣
相思復相望春草滿南湖

村月

月午籬南道前村半隱林
田翁獨歸處喬麥露
花深

早春

野樹花初發空山獨見時
踟躕歷陽道鄉思滿
南枝

送友人遊吳

吳山清楚吟草色異鄉心
一酌水邊酒數聲花
下琴登樓舊國遠探穴九疑深
更想逢秋節那
堪聞夜砧

贈別

蘭澤傷秋色臨風遠別期東城草雖綠南浦柳
無枝直道豈易枉暗投誰不疑因君問行役有
淚濕江籬

經故人舊居

萬里訪遺塵鶯聲淚濕巾古書無主散廢宅與
山鄰宿草風悲夜荒村月弔人淒涼問殘柳今
日爲誰春

隨邊使過五原

偶逐星車犯虜塵故鄉常恐到無因五原西去
陽關廢日沒平沙不見人

春懷寄秣陵知友

廬江城外柳堪攀
萬里行人尚未還
借問景陽臺下客
謝家誰更卧東山

宋州月夜感懷

鴈池衰草露霑衣
河水東流萬事微
寂寞青陵臺上月
秋風滿樹鵲南飛

吳宮

荒臺荆棘多忠諫
如何細草迷宮巷
閑花悞綺羅前溪
徒自綠子夜不聞歌
悵望清江暮悠悠
東去波

春遊望仙谷

清無車馬塵深洞百花春雞犬疑霑藥耕桑似
避秦登山採樵路臨水浣紗人若得心無事移
家便卜鄰

聖女祠

石屏苔色涼流水遶祠堂巢鵲疑天漢潭花似
鏡妝神來雲雨合神去蕙蘭香不復聞雙佩山
門空夕陽

宿范水

行人倦遊官秋草宿湖邊露濕芙蓉渡月明

網船寒機深竹裏
遠浪到門前
何處思鄉甚
歌聲聞採蓮

送顧陶校書歸錢塘


清苦月偏知
南歸瘦馬遲
橐輕緣換酒
髮白爲吟詩
水色西陵渡
松聲伍相祠
聖朝思直諫
不是掛冠時


題雲陽高少府

太隱能兼濟
軒窗逐勝開
遠含雲水思
深得棟梁材
吏散山逾靜
庭閑鳥自來
更憐幽砌色
秋雨長莓苔

送春

無語共春別
細畧枝上紅
來年又相見
還恐是
愁中





章碣詩集

城南偶題

誰家朱閣道邊開
竹拂欄干滿壁苔
野水不知何處去
游人卻是等閑來
南山氣聳分紅樹
北闕風高隔紫苔
可惜登臨好光景
五門須聽鼓聲迴

贈邊將

十千鐵騎擁塵紅
去去平吞萬里空
宛轉龍蟠金劔雪
連錢豹躩繡旗風
行收部落歸天闕
旋進封疆入帝聰
只有河源與遼海
如今全屬指

塵中

桃源

絕壁相歌是洞門昔人從此入仙源
數株花下逢珠翠半曲歌中老子孫
別後自疑園吏夢歸來誰信釣翁言
山前空有無情水猶遶當時碧樹村

曲江

日照香塵逐馬蹄風吹浪濺幾回隄
無窮羅綺填花徑大半笙歌占麥畦
落絮却籠他樹白嬌鶯更學別禽啼
祇緣頻燕蓬洲客引得遊人去

似迷

癸卯歲毗陵會中貽同老

玉皇恩詔別星班去壓徐方分野間有鳥盡巢
垂沐柳無樓不到隔淮山旌旗漸向行時擁案
牘應從到日閑想憶朝天獨吟坐旋飛新作過
秦關

贈婺州蘇負外

帝念瓊枝欲並芳星分婺女寄仙郎鸞從闕下

雖辭侶鴈到江都却續行負外第冲時在任衢州煙月一

時搜古句山川兩地植甘棠即看龍虎西歸去

便佐羲軒活萬方

寄友人

謝家山水屬君家，曾共持鈎擲歲華。
竹裏竹鷄眠蘚石，溪頭鷓鴣踏金沙。
登樓夜坐三層月，接果春看五色花。
昨日西風動歸思，滿船涼葉在天涯。

雨

低着煙花漠漠輕，正堪吟坐掩柴扃。
亂沾細網垂窮巷，斜送陰雲入古廳。
鎖却暮愁終不散，添成春醉轉難醒。
霽來還有風流事，重染南山一

遍青

觀錫宴

傾朝朱紫正駢闐紅杏青莎映廣筵不道樓臺
無錦繡只愁塵土撲神仙魚啣嫩草浮池面蝶
趁飛花到酒邊日暮驂騮相擁去幾人沉醉失
金鞭

城東即事

閒尋香陌鳳城東時暫開襟向遠風玉笛一聲
芳草外錦鴛雙起碧流中苑邊花竹濃如繡渭
北山川澹似空回首漢宮煙靄裏天河金閣未

央宮

夏日湖上即事寄晉陵蕭明府

亭午羲和駐火輪
開門嘉樹庇湖濱
行來賓客竒茶味
睡起兒童帶箏紋
屋小有時投樹影
舟輕不覺入鷗羣
陶家豈是無詩酒
公退堪驚日已曛

對月

殘霞卷盡出東溟
萬古難消一片冰
公子踏開香徑蘚
美人吹滅畫堂燈
璫輪正輾丹霄去
銀箭休催皓露凝
別有洞天三十六
水晶臺殿冷

層層

浙西送杜晦侍御入關

紫詔徵賢發帝聰
繡衣行處撲香風
鸚歸秦樹幽禽散
星出吳天列舍空
捧日思馳仙掌外
朝宗勢動海門中
鞭鞘所拂三千里
多少諸侯合避驄

寄江東道友

野亭歌罷指西秦
避俗爭名興各新
碧帶黃麻呈縹緲
短竿長線弄因循
夜潮分卷三江月
曉騎齊驅九陌塵
可惜人間好聲勢
片帆羸馬不

相親

下第有懷

故鄉朝夕有人還欲作家書下筆難滅燭何曾
妨夜坐傾壺不獨爲春寒遷來鷺語雖堪聽落
了楊花也怕看但使他年遇公道月輪長在桂
珊珊

春日經湖上友人別業

何處狂歌破積愁携觴共下木蘭舟綠泉濺石
銀屏濕黃鳥逢人玉笛休天借煙霞裝島嶼春
鋪錦綉作汀洲一年一電逡巡事不合花前不

醉遊

長安春日

春日皇家瑞景遲
東風無力雨微微
六宮羅綺同時泊
九陌煙花一樣飛
暖着柳絲金蕊重
冷開山翠雪稜稀
輸他得路蓬洲客
紅綠山頭爛醉歸

陪浙西王侍郎夜宴

深鎖雷門宴上才
旋看歌舞旋傳盃
黃金鸚鵡當筵睡
紅錦薔薇映燭開
稽嶺好風吹玉佩
鏡湖殘月照樓臺
小儒末座頻傾耳
祇怕城頭畫

角催

春別

擲下離觴指亂山趨程不待鳳笙殘花邊馬嚼
金銜去樓上人垂玉筯看柳陌雖然風裊裊惹
河猶自雪漫漫殷勤莫厭貂裘重恐犯三邊五
月寒

送謝進士還閩

百越風煙接巨鼇還鄉心壯不知勞雷霆入地
建溪險星斗逼人梨嶺高却擁木綿吟麗句便
攀龍眼醉香醪名塲聲利喧喧在莫向林泉改

鬢毛

焚書坑

竹帛煙銷帝業虛
關河空鎖祖龍居
坑灰未冷
山東亂劉項元來不讀書

東都望幸

懶脩珠翠上高臺
眉月連娟恨不開
縱使東巡
也無益君王自領美人來

旅舍早起

跡暗心多感神疲
夢不遊驚舟同馱
夜獨樹對
悲秋晚角和人戰
殘星入漢流
門前早行子敲

鐙唱離憂

章碣詩集

